



10505

讀書堂綵衣全集

河陽趙士麟玉峰父著

國朝  
胡  
范校  
受業章鍾藻輯

男 宸繡編

卷三十九

四序韻言

乙亥首夏銓署同素九熊太宰羨門彭少宰坐藤花下談及

春事屬賦八春得詩三十二首

用春

望春

平明曳履侍 楓宸遙見氤氳瑞氣新宮樹煙凝猶帶冷御河

冰泮早占春擬分綵縷趨三殿競獻銀盤薦五辛 上苑風光

人不到時從 朝罷望香塵

讀書全集卷第三十九

一

旌麾昔日駐湖濶湖上晴光遠映人十里煙巒迎畫舫滿隄芳

草襯朱輪笙歌響振坡公月羅綺嬌添越女春別後西陵花燦

爛憑高凝盼水粼粼

歸 朝忽忽十經春極目金閭道路辛鄧尉花開山積雪洞庭

水長浪翻銀衙齋蒼翠催栽竹池館連漪課采蓴千里關河時

在眼每因夏正企吳民

故鄉此日景初新桃李衝寒媚早春玉筍峰頭松柏秀金蓮山

下杜蘭勻尋芳緩步逢僧舍賽社狂歌有醉人望遠當歸吾所

事依依夢繞撫仙濱

迎春

土膏將助喜迎春鉅典先期太史陳漢殿行觴傳賜帛周廷合

樂傲吹幽寒威將盡臨朱鳥淑氣初交躍錦鱗一自青逵

古詩  
青逵



升  
震千騎轉枝頭生意已津津

農桑粒食重蒸民東秩句芒共帝臣歲月頻新同逆旅旌旗前  
導似迎賓遺風猶見簪幡勝舊俗相沿翦綵人最是桃符初換  
後家家寶字貼宜春

朝來景色欲依人正值中宵柄指寅梅尙含葩香未析荔將挺  
秀露偏勻瓊筵漸覺輕裘煖綠野徐探步障春惟有始和消息  
靜東風先滌玉階塵

盛德東方歲序更民閒肅事不知辛已聞緹室迴葭管旋覩金  
門近土神青入柔枝方解凍綠回幽谷可窺春何煩羯鼓逢逢  
促贏得郊原次第新

賞春

園林瀟灑靜無塵倚石臨流布錦茵一歲繁華能有幾同遊野  
墅不嫌頻簾鉤蕩漾香盈幄樹月低迷影到身行樂更從閒裏  
得好乘休澣宴芳春

上林宮觀藹生春纔距嘉平又洽旬流水小橋何漱漱繞籬新  
葉已蓊蓊茗烹碧液心相賞詩草烏絲挽有神爲愛芳韶不忍  
臥掃除三徑待交親

萬方歌舞頌如醕鮑宣三郎第欣瞻始如醕上國春嘒嘒深林橫管  
吹青青芳樹隱星屐兒童笑逐藏鬪戲士女爭傳撲蝶晨幸有  
俸錢堪取醉不須質酒在西鄰

和日柔風節候勻一番欣賞一番新曉窗但覺山河麗勝地常  
看魚鳥親未許孟陽潘孟陽好游山寺同眺覽且呼太白賦陽春白有陽春  
賦解衣盤礴消清晝莫待蕭條感慨頻

尋春

春色空歸十丈塵更於何處覓良因若非瑤圃兼瓊島卽在山  
巔與水濱挈榼欲隨雙蝶探攜琴好卜萬花鄰迢遙物外情難  
已疑是莊生栩栩身

絳帷翠幕燭蒼旻緩轡來尋三輔春嫩草遠迎金勒馬嬌鶯長  
伴玉樓人芝田迢遞無由到蘭省繁蕪尚可詢茅舍竹籬看不  
足特因芳信到南鄰

奴嘗昨已轉洪鈞眼見皇輿萬卉新爲訪芬芳忌主客何妨  
登覽共吟呻歐詩暫誦樓臺窈窕藏丹壑石磴參差長翠筠自

是陽春真有腳低徊郊野總迷津

三月長安多麗人滿城紅紫自堪親行來蔥蒨花枝勝到處凋  
啾鳥語馴期客登臨窮上下占天風露淨埃塵只愁春去渾難  
覓秉燭遨遊不妒頻

讀書全集卷第三十九

三

浙江書局刊

惜春

歲易寒暄自昔勻融和天氣倍宜珍眠遲爲愛千金價早起惟  
貪一日春思護歲蕤施帳幕忍拋芳藹委荆榛止緣麗景難長  
繫獨對名園欲愴神

自笑蹉跎已隔春凭欄歎息問何因可憐蘭畹香銷盡反惱萍  
池綠縹新高士連鑣多扼腕佳人褰幔正含顰今朝猶是執徐  
日太歲在辰曰執徐見爾雅拚飲花陰酒浣身

秉蘭贈芍近都闖去矣難追悵望頻宛似明妃初出塞卻如浣  
婦獨之秦落英陣陣蜂黏翅飛絮陰陰燕點唇春事闌珊眞足  
惜登山臨水敢辭辛

無端零落恨難申珍重空勞金谷人風起棟花春又老雨疏榆  
莢夏將新憐香常自憂遲暮鬪豔依然類壯辰見子瞻詩分寸光陰



皆不易丁甯鴉鳩鴉鳩鳴且逡巡

留春

燕臺惆悵惜三春欲挽青陽共結鄰尚有鶯聲招舊侶莫教花  
片委輕塵伴人永晝消棋局偕爾良宵漉酒巾此日芬菲猶未  
減東郊徐步展芳茵  
不覺清和物候臻共拈詩句續殘春但知吹律回寒谷那識濡  
毫駐景輪楊柳洲邊尋渡檝桃花洞口問漁津園林瀟灑無風  
雨載酒徵歌莫厭頻  
東皇亦自愛芳辰屈指韶華有幾旬綠樹陰森堪結夏絳桃零  
落尙含春狂蜂繞砌仍黏絮舞蝶過牆更趁人分付流光爲且  
住助余詩興得清新

讀臺全集卷第三十九

四

浙江書局刊

天上雙丸似轉輪憑誰赤手挽雲津斗杓已應蒼龍象氣候旋  
驚元鳥辰畫閣新藏妍玉貌錦帆欲出採蓮人司天不假羲和  
馭紫陌香留萬戶春

送春

同人休澣出城闌爲餞韶光理畫輪寮窠二三偕作主鶯花九  
十去如賓眼看飛燕營巢屋坐對鳴鳩拂羽塵不見春歸歸已  
盡流連別墅獨傷神  
豔陽天氣渺難親遙憶迎春未數巡到處殘英紅滿地惟餘細  
草綠於筠爲憐別緒耽敲句欲遣離情仗飲醅縱爾乘風還碧  
落明年爛漫倍償人

節屆長歲景候新綠陰滿座不知貧牆頭酒熟遲嘉客婪尾花  
飛殿晚春欲返陽和無計策暫留明媚少逡巡何時待得條風  
動又向東臯一洗塵

從來四序遞相因，獨有殘春易感人。蚊蝶飛時花放盡，茶蘼開  
候鳥銜頻。忍看遲日辭青甸，漸覺炎飈動白蘋。幸遇太平多樂  
事，脂車秣馬送谿濱。

憶春

不到林皋竟數晨，重來景色已非春。海棠無復留香國人柳，依  
然臥遠濱。拾翠每思邀勝友，踏春長憶步輕塵。年年賸有中和  
節，笑我追維情太真。

帝里欣逢是好春，朱門繡戶快佳辰。當時但覺香成陣，過後方  
知景可親。杏酪一杯聊作供，榆錢滿地尙非貧。回思市陌遊人  
盛，敲擊肩摩異往晨。

夏木森森理枕茵，翻懷童冠侍遊辰。尋花江上無多日，修禊亭  
邊又隔旬。紈扇迎風桐乳細，絺衣當暑露蟬新。揮戈欲教扶桑

讀書臺全集卷第三十九

五

浙江書局刊

返重向桃源一問津

轉盼三陽若楚秦，東西相距不相親。非無蓮浦牽舟興，何似華

林較射辰。曲水泛觴懷東哲，東哲對晉武椒花獻頌憶劉臻。椒

立春事倒迴也徘徊舊徑多寥落，猶想飛花掃作茵。

八春詩成素九熊，太宰羨門彭少宰。可之曰：再賦九夏百秋

十雪可乎漫詠

新夏

月躔仲呂律初新，纔度三春已異春。出谷晚鶯弄語濕，離巢乳  
燕學飛頻。赤旂日映明堂仗，朱輅風清御道塵。遙望瀛  
臺仙島近，一時丹鳥早來賓。

盛夏

時逢盛序方蕃殖，莽莽滔滔未易量。華嶽峰頭花十丈，靈和殿



裏柳千行莫愁煩煨衰老只覺高明助興狂客至淋漓時灑  
翰北窗跛脚傲羲皇

朱夏

赤帝騎龍到上方無端朱火爛非常山河盡是光明界草木俱  
含灼爍光濩澤停車看射鳥東華回楫泛流觴都城不隔天台  
遠時見紅霞繞建章

長夏

朝回一枕黑甜鄉倦起依然影在廊繡綫不知添幾許土圭難  
以測舒長終朝惟見葵傾砌鎮日頻驚竹透牆月姊爲催鸞馭  
駕免教徒倚望斜陽

賞夏

羲叔功兼長養權香飄蘭蕙共爭妍曾徵化日符堯祿又見薰  
風動舜絃雲擁奇峰多變幻樹迎修景自芊緜從容退食舒清  
嘯檢點陶潛榮木篇

銷夏

涼燠推遷循復環幸逢羸日得優閒襟思踏層冰上高枕身  
棲五柳閒遠浦移舟牽荇藻曲池倚石弄潺湲適來悟得驅煩  
法絕勝吳儂銷夏灣

炎夏

不聞剝啄鳥飛紛闐寂誰將五內焚波沸江湖疑煮海氣蒸草  
木欲烹雲鎮心特訪邵平種沈飲難邀袁紹軍共道峨眉常積  
雪那能縮地卻炎氛

避暑

蘊隆難禦欲移涼密樹深林憶故鄉但得平原竹篠飲差強叔

夜柳陰忙詩書輕捲穿花嶼枕簟頻遷倚石牀不似禪宗思結  
夏蒲團枯坐閱時光

九夏

樂奏公庭名九夏天之時序亦如之秀夢亦見幽風載燒薶曾  
聞月令垂梅子當窗何纍纍桐孫拂戶自離離百官靜事遵  
王制臺榭蒼茫眺望宜

百秋詩

秋曉

流火光中歲月更西山木落引秋聲芙蓉池畔涼颺起楊柳洲  
邊候雁鳴玉李輕浮天漸爽桃笙雜座暑全清脫巾跌坐東軒  
下莖露懸知仙掌盈

秋初

讀書全集卷第三十九

七

浙江書局刊

乾坤寂靜報新秋曲奏迴風分外幽少昊西臨親執矩黃姑東  
渡詣牽牛人間病葉驚先墜天上瓊漿霧漸可收會見王喬乘  
鶴降夜涼明月一登樓

秋爽

薄薄輕容溽暑收郊原爽氣足遨遊青天澹蕩高無際綠水淪  
漪靜自流一席雄談消鄙吝三升清酒散窮愁哀梨并翦殊難  
似勝臥元龍百尺樓

秋光

不是紅輪起海瀛自然開朗碧天清高凝螺髻穿窗曉低放鰕  
鬚映几明郭外丹楓團野色亭前黃葉弄商聲秋光豈減春光  
好惟有幽人領此情

秋氣



節序清幽氣味涼乾坤從此漸收藏欲知白帝新司麻試看青  
蛾盡戒霜玉露沾濡雲子滑金風飄拂木奴香空傳宋玉悲秋  
賦叢桂初開菊又黃

秋容

妙手吳生近代無秋天景色最難摹縱吟元亮千篇什未抵雲  
林一幅圖山自蒼蒼飛木葉水何澹澹長菰蒲眼前幽韻誰能  
譜白鶴迴翔月影孤

秋香

三秋景色自芳菲豈與陽春氣候違尙有芙蓉開冉冉惟看橘  
柚弄暉暉氤氳滿屋非關樹繚繞空亭詎在衣無事倚檐展卷  
讀不知何處暗香飛

秋陽

讀書全集卷第三

八

浙江書局刊

春陽別後又經秋曖曖清暉散旅愁季野圖編誰爲讀眉山詞  
賦至今留光凝露掌簾櫳做影逐霜蹠谿谷幽始信太虛渣滓  
少雲煙萬里一時收

秋聲

月淡星稀夜漏遲秋聲淅瀝度庭帷隨風高下催人老入座淒  
清攪客思絲竹輕揚羣動息金戈競舉百蟲悲歐劉兩賦傾詞  
苑徙倚燈前懶構思

秋高

載酒秋原不憚遙高天如洗絕塵囂黃花漸老姿偏秀白雁橫  
空興益饒露草低迷鷹眼疾霜林搖落馬蹏驕從來節屑西風  
急意氣飛揚接絳霄

秋陰

慘淡陰雲四望鋪一秋心事問鷓鴣亭皋碧樹皆蕭瑟江上青  
峰半有無雨意未成詩早就煙光不散客來孤田家收穫期將  
近願慰溝車駕赤烏

秋霽

朝瞰杲杲出遙峰雨後園林岸曠從衣履生涼心自遠沙塵初  
淨興偏濃烹鱸旅舍來高士剝棗斜陽憶野農眺望西窗多翠  
紫秋軒可作畫圖供

秋日

羨馭終年不暫停暮收司候又西經朝曦拭露憐初爽夕景衝  
山逗遠青桂亞淮南臨檻秀花移彭澤隔籬馨金飈洗滌炎埃  
盡重見清光到石屏

秋夜

讀書臺全集卷第三十九

九

浙江書局刊

一片煙雲挂薜蘿涼宵耿耿燦銀河臥聽角枕更猶短坐擁羅  
裳氣尙和松鼠暗從藤架竄草蟲亂向竹籬歌步檐欲倦憑虛  
坐如此風清月白何

秋月

纔轉星杓白露晞金波穆穆映簾幃砧聲斷續鴻潛度樹影蕭  
疏鵲倦飛牛渚光寒人詠史庾樓煙冷客褰衣鄰家玉笛憑高  
奏一曲關山萬里輝

秋露

灑灑近已徧天涯石畔遙憐染露華漸灑長林沾蔓草復飄寒  
渚老蒹葭重重珠樹枝先墜密密瑤花葉半遮惟有金莖高且  
潔一杯輕挹勝流霞

秋風



嫋嫋秋風吹白雲高樓孤館最先聞池邊濁浪騰鱗甲江上青  
峰送雁羣木落煙波懷楚澤樓船簫鼓憶河汾詩人夙有蘭臺  
興莫戀鱸魚歸思殷

秋雲

紛紛郁郁繞層巔觸石凌空異霧煙推出封中輕似蓋飛來天  
上薄如絳高唐溶澹香輪遠汾水網緝寶鼎連共道奇峰惟夏  
有今看 宮闕彩雲懸

秋霧

曉霧溟濛接九天誰言空水共澄鮮冥冥遠樹含輕重淡淡殘  
山雜雨煙小榭風流懷隱豹伏波顧盼失飛鳶憑高日馭潛消  
蕩佳氣長凝 鳳閣前

秋煙

讀書全集卷第三十九

十

浙江書局刊

輕飄一縷裊秋風非復垂楊芳草同渡口只疑香霧斷山腰錯  
認淡雲籠時凝幽館涼颺後每起斜陽晚照中漫步平皋舒遠  
望歸鴻隱隱噪長空

秋霖

三朝時雨便成霖況際初秋喜不禁隴畔爭看襍穧潤田閒豈  
待枯槁沈淒同敗葉隨風落寒助唳蜚徹夜吟郊野豐盈今可  
下莫愁溝澮只覓涔

秋虹

彩橋遙架白雲端秋雨新晴捲幔看絲互九霄躡碧漢倒垂五  
色映清湍美人錦袖凌風舉壯士丹心貫日寒聞道西川筵際  
飲曾占使節出金鑾

秋霜

明星昨暮見西方  
青女宵中早降霜  
雲裏蒼鷹思北擊  
沙頭白雁向南翔  
玉花凍結鴛鴦瓦  
銀粟寒生玳瑁牀  
朝罷得閒時  
梁翰笑無供奉紫瓊漿

秋山

美人秋日洗鉛華  
玉骨冰肌靜不譁  
豈但平坡環苜蓿  
果然高嶺冠雲霞  
滿林橘柚經霜古  
夾路松篁闢徑賒  
愛爾將寒留爽氣  
捲簾坐對客心遐

秋崖

沉澗晨流溼翠巖  
蒙茸絕頂露峰尖  
山含潤色煙中見  
水帶寒光雨後添  
亂石排空縈弱蔓  
危坡特立俯枯柑  
隱居莫若丹崖好  
欲叩松扉訪典籤

秋屏

秋山蒼翠起雲封  
露洗嵐光秀色重  
獨有一峰當几案  
勝於千仞削芙蓉  
桐陰深邃如屏立  
松逕蒼涼似障逢  
每念故鄉懷玉筍  
何時霜後更攜筇

秋谷

深岸逶迤境自幽  
翩翾南雁度清秋  
芳蘭馥郁含風遠  
喬木蕭森帶露稠  
種放高棲連几榻  
季倫遊宴託觥籌  
江南霜後潮聲壯  
對此長懷百谷流

秋水

萬壑爭流赴百川  
時逢暑退自澄鮮  
菰蒲露冷清無底  
木葉霜空碧映天  
渺渺煙波聆漱玉  
淙淙山澗助調絃  
落霞孤鶩眞難寫  
好讀南華第二篇

秋澗



山斷雲連激急湍澗邊獨步見秋殘香芹泛泛青溪暮幽草萋  
萋白石寒霜降水收羣鹿渡日高沙暖小魚攢行來此地堪高  
隱應有幽人賦考槃

秋浦

非谿非港亦非洲一徑斜通入細流蘆荻霜寒漁火暗蒹葭露  
淺水痕收二三野艇浮灘口八九人家住渡頭多是蒨陵相去  
近風光不異洞庭秋

秋潭

濃陰密樹望交加潭水澄清秋更嘉寒潦煙霏沈雁影暮山月  
上映漁槎魚龍欲臥波光冷巖洞生幽徑路賒不見情多遠別  
處令人空自憶桃花

秋江

讀書臺全集卷第三十九

七

浙江書局刊

濤聲初壯雁聲哀滾滾長江九派來霜落丹楓吳地冷月明赤  
岸蜀波迴推篷憑眺澄如練出峽奔騰勢若雷載酒中流思作  
賦芙蓉獨傍晚秋開

秋濤

江上遙看山葉摧蹴天高湧布帆開未邀枚叟同舟去早見靈  
胥勒馬來雪浪遠從青海發潮首旋駕赤鯨迴廣陵八月乘秋  
壯共醉旗亭濁酒杯

秋漲

河伯憑凌怒欲前柴門初啟漲成川滂滂急浪幾無地浩浩洪  
濤竟拍天小市牽舟來易米貧家移榻少安眠驚呼野老臨高  
望一帶寒谿斷曉煙

秋郊

巾車獨駕向秋原不似芳春嫩綠繁楊柳半黃城郭遠谿流爭  
漲鷺鷗喧千村砧杵催寒葉幾處樵歌起夕暄徧野田禾今已  
熟築場滌圃事偏煩

秋塞

塞上風雲起沈寥  
沉逢秋日馬蕭蕭  
天荒地老無過雁  
木落山空好射鵬  
朱戟影搖寒柝動  
鐵衣聲振凍旗飄  
而今四境煙銷盡  
不覺邊隅萬里遙

秋窗

五柳門前蘿薜繁  
霜梧之下碧窗橫  
藜牀木几房櫳靜  
玉軸牙籤卷帙盈  
竹影蕭蕭煩月繪  
燈光閃閃隔紗明  
閨中憶遠彈瑤瑟  
虛掩雙櫺夢未成

秋閨

讀書全集卷第三十九

三

浙江書局刊

四十九

井梧寂靜掩深閨  
惆悵征人望已迷  
鏡舞孤鸞羅袖薄  
琴彈別鶴錦帷低  
蓮衣亂落煙波冷  
菰米飄沈霜露悽  
夢裏不知關塞遠  
謾隨歸雁到遼西

秋桐

百尺無枝倚碧霄  
鸞雛鳳羽此堪招  
每經南陸旋思秀  
纔過西成頓欲飄  
金井寒蛩催滴漏  
玉階明月待吹簫  
不須爨下尋焦尾  
風起清音六律調

秋槐

蒼蒼老樹長山阿  
枝畔時看鳥雀過  
零落晨霜堪嘯傲  
扶疏月夜任婆娑  
栽時豈卜門庭盛  
榮後偏欣樾蔭多  
最愛冷淘香似雪  
更無幽夢到南柯

秋桂



叢桂應從淮苑移，星河掩映露華滋。郄詵射策親奉轍，曹植飛觴謾賦詩。香散天街時馥郁，花留月樹自紛披。禪空不語微微笑，金粟堆中拈一枝。

秋柳

不耐秋風臥水濱，那堪攀折送行人。依依庭砌含淒色，颯颯河隄拂輦塵。鶯別故枝穠豔歇，蟬鳴深樹晚涼頻。明年寒食花如雪，搖曳章臺占早春。

秋蓉

幾樹穠芳近水涯，遊人採得載輕槎。漢宮明鏡清同水，楚國羅衣豔擬花。早起冰姿凝積雪，晚來紅暈炫餘霞。錦城風景應如舊，菡萏臨風未足誇。

秋菊

讀書全集卷第三十九

西

浙江書局刊

芙蓉共道拒霜姿，不謂東籬花更奇。喜向重陽依野圃，懶隨初日媚江湄。園林料峭殊難撼，蜂蝶飄零未許窺。風土獨推燕北勁，雪中猶見幾殘枝。

秋蓮

香風冉冉度林塘，妬殺孤鴻夜叫霜。零落池中歛翠蓋，辭披月下卸紅裳。鴛鴦欲宿時驚起，鷗鷺無依待遠翔。卻似芭蘿心捧後，亂拋蟬鈿裹殘妝。

秋蘭

猗猗秀質吐晴暉，不與山中百卉腓。香握郎官趨畫省，花迷燕婉夢彤幃。謝家自昔盈庭盛，楚國於今九畹稀。莫慮西風摧折甚，深林幽谷尚芳菲。

秋芭

沅江多芷駕輕艘採得青青色映袍珮縮衣裳垂內則湯貽薰  
沐載離騷澗邊潛長原名藥谿畔叢生莫認蒿小草只應川澤  
有幸隨仙馭傍鸞鑣

秋葵

園林幽敞散秋光白雁來時花正芳翠蓋可隨仙母駕黃衫輕

裏道家裝低回籬落承清露俯仰階庭向太陽田叟此時差足  
樂笑同剝棗喚鄰嘗

秋蓬

芄芄弱草禦狂風亂舞翻飛荆棘中曾伴桑弧懸戶右卻隨錦

綺祓池東首無膏澤殊難理心少靈犀未許通對爾忽思張仲  
蔚閉門謝客竟成叢

秋葦

荏葦叢生載淺洲柔根細葉任沈浮露寒未必增華色霜薄空

讀書金卷第三九

五

浙江書局刊

愁逐水流山上蘼蕪樵斧採河邊葭菼釣船收獨憐同在乾坤  
內摧折時隨鷗鷺遊

秋籜

千竿修竹隱簾櫳何意商飈舞碧空幾件殘梧飄井畔卻同衰  
草委牆東潛移烏影穿林薄時漏蟾光照綺叢疑是石鯨鱗甲  
動飛雲捲霧滿蒼穹

秋茶

夏正傳聞苦菜生經霜美脍可爲羹飄飄田澤如蘆捲裊裊園

池較絮輕名載周官曾設職色同鄰女足傾城華陽茶茗渾無  
辨且啜資甌倚翠楹

秋蓼

沅江多芷駕輕艘採得青青色映袍珮縮衣裳垂內則湯貽薰



離邊紅白各成叢  
點綴秋光意不窮  
柏葉蒸霞依岸月  
蘆花積雪伴江風  
布帆淡蕩斜陽外  
沙雁迴翔古泊中  
臨水動人無限思  
敢將詩句續髯翁

秋萍

風捲楊花色似銀  
化為蘋梗一番新  
飄浮菱浦魚潛藻  
蕩漾荷池鴨作茵  
實獻楚庭甘逾密  
花生吳渚淡無垠  
牀頭賸有純鉤在  
夜半寒光動水濱

秋草

茸茸芳草淨無塵  
又值嚴霜布令辰  
曾襯落花依錦砌  
遂承零露引香輪  
高坡日暮牛羊下  
野燒雲橫射獵頻  
只恐王孫歸尚遠  
萋萋空向玉階春

秋葉

讀臺全集卷第三十九

七

浙江書局刊

扶疏枝幹蔭蒼苔  
纔遇西風便已摧  
一片煙光渾似掃  
滿林黃落盡成堆  
暗隨明月飄原野  
時帶寒霜點草萊  
況有蛩音依壁亂  
助人淒切起徘徊

秋稼

南畝西疇歲事勤  
五風十雨老農欣  
果然稼穡稱維寶  
幸矣溝塍望似雲  
籬外鳴螭村酒熟  
橋邊流水稻花芬  
篝車不待雞豚祝  
應有堯民擊壤聞

秋瓜

秋陽無處避  
歎蒸欲舍甘瓜度  
未能剖以寶刀堪  
卻暑置之菜  
几可驅蠅細  
嘗知是青門種  
漫嚼須同玉井冰  
我愛綠沈甜似蜜  
不勞稽古訪朱陵

秋芥

芥片翻從秋後香何勞湯社鬪旗槍清泉烹出偕僧品玉碗盛  
來待客嘗明月峽前估舶集碧瀾湖畔採舟忙笑聽田婦歌聲  
起一飲先教舉體涼

秋圃

仙圃遙傳多積玉人閒聊以樹藩籬藥畦耘後逢新雨瓜架除  
時臥伏雌啟戶惟看葉覆地開窗猶見菓垂枝園丁無事茅檐  
坐斗酒歌呼意自怡

秋林

華林芳樹滿郊垆秋雨秋風漸漸零葉底更無嗁鳥坐枝頭惟  
有亂鴉停登樓日上煙光紫倚檻風迴岫影青少昊芟夷都已  
盡那堪鼓瑟聞湘靈

秋鶴

丹頂如珠玉羽柔青田去後已千秋堪偕處士孤峰隱且伴仙  
人七夕遊月映松筠聞遠唳風飄闔闔勝清謳霜郊不作麩囊  
舞頃刻乘雲返十洲

秋鷗

雲淨天空爽氣浮仰看鷺鳥獨橫秋雙眸炯炯沖霄起六翮翩  
翩駕海遊鷹隼迴翔多自失鷗鷺奮擊可能侔軍中不乏封侯  
骨射得雙鷗鞞紫駟

秋鷺

凌風振翼向天衢旱麓詩人識遠圖瞥見雲中爭腐鼠重來樹  
杪嚇鷓鴣埃塵競起揚旌旆毒霧漫空墮水隅偏是兒童能好  
事庭前齊望紙鷺呼

秋鷺

讀書臺集卷第三十九

七

浙江書局刊



岱北雄姿異羽毛時當祭鳥正天高盤旋霄漢甯輕下搏擊風  
霜不憚勞玉爪金眸多勁翮草枯木落析秋毫藩籬斥鷃非同  
調獨立青鞵望九臯

秋鴻

嘹唳新從塞北飛孤征尙喜弋人稀手臨古帖書難做日送高  
天絃自揮露下平原聲蕭蕭月明洲渚影輝輝欣逢鷺鷥充庭  
日待爾爲儀莫浪歸

秋鷺

風標不與水禽同屬玉鷺名臨秋長細茸俯啄遊鱗壘石下暗藏

身影白蓮中孤飛遠映寒山碧竝宿輕翻野蓼紅縱有黃冠留  
羽扇教人何處問張融張融有異才道土陸靜修貽以白鷺篇

秋猿

讀書臺全集卷三十九

六

浙江書局刊

蒼崖翠壁自玲瓏引類攜雛挂碧叢一片寒光能舞劔兩枝長  
臂善關弓時收橡栗來雲外獨伴煙霞宿洞中涼夜一聲清嘯  
後錯教人認是巴東

秋蛇

百蟲坏戶與春殊從此潛藏水草區盤髻甯如墮馬好臨書得  
似戲鴻無神符獻瑞興高帝靈藥徵祥問寄奴合浦近聞秋水  
涸報恩知爾慣銜珠

秋螿

八月蝻蚌足遣愁銀盤捧出內黃侯歲逢豐稔今偏盛味較江  
湖似更優下酒不須重覓史持螿還願乏監州蔡謨博物高千  
古爾雅如何讀未周

秋蟾

廣寒甯必有蟾窟獨抱瓊洞壑居未審于秋成玉角徒傳八  
字隱丹書冰輪涼後光偏皎金粟秋來香更舒徐穉當時真孺  
子豈容有物玷清虛

秋蟬

帝城秋色曉蒼蒼齊女何勞噪夕陽斷續迎風林外響清高迥  
露葉閒藏曾依貂珥登朝之錯聽雲和奏畫廊卻怪午窗驚客  
臥更無夢睫擾蒙莊

秋螢

秋氣蕭森感客情無端腐草化如頻隔林點點疏星墮臨卷輝  
輝殘燄生縱有野風吹不滅爲緣山露沈還明微光足悵登高  
興何事宵來秉燭行

秋蛩

讀臺金卷第三十九

充

浙江書局刊

寒蛩弄響入簾帷四野悲風攪夢思絮語偏來鐘靜後哀音多  
在月明時豈徒懶婦驚遲暮尙有征人怨別離況復牆根鳴蟋  
蟀滿天霜露益淒其

秋觀

堯典曾頒肆覲文秋庭載見自周聞雞人戒旦金風引虎衛司  
儀玉露紛御座香飄爭就日禁鐘聲動共瞻雲母煩省斂勞  
鸞輅預奏年豐慰大君

秋嘗

四時禋祀禮儀同萬寶成時制更崇穆穆垂裳九獻後雍雍摺  
筵五雲中清風澹蕩吹蘭殿紫氣氤氳護竹宮曉起祠官齊拜  
手灑灑瑞露滴長空

秋嘗



槐樹初黃舉子忙  
秋闈深鎖校文章  
三條蠟燭生寒燼  
五夜雞聲逼曙光  
滄海夜珠因使貢  
金山璞玉待今揚  
廬陵丰采誰能竝  
月路輕風送桂香

秋扇

紈扇玲瓏制度工  
九華六角價相同  
春纖長弄團圓月  
廣袖偏承出入風  
忽付鴛鴦藏篋衍  
竟偕枕簟委簾櫳  
多情珍重如瓊玉  
拂拭重搖盛夏中

秋笛

遙聞鄉笛調淒清  
時序悲涼動旅情  
山石一聲捲幔裂  
魚龍三弄據舷驚  
風前嘹唳梅花落  
月下優游楊柳生  
黃鶴高樓休再奏  
洞庭秋水已盈盈

秋砧

讀臺金叢卷三九

三

浙江書局刊

海雁南翔人未還  
孤衾憔悴損紅顏  
衣裳未寄心如擣  
砧杵頻敲淚染斑  
襲襲涼颼吹半臂  
灑灑夕露溼雙鬟  
可憐用盡閨中力  
不遣淒音度玉關

秋筩

四海於今絕鼓鼙  
捲蘆傳自玉關西  
音飄廣野孤鴻咽  
響徹長楊萬馬嘶  
涼月朦朧思遠塞  
冷雲迢遞夢深闈  
不須按指齊彈徹  
一曲纔聞意已悽

秋鉦

涼宵倚枕月初清  
遙聽松陰近幾更  
刁斗森嚴傳細柳  
旌旗搖曳起孤城  
嗚烏欲避哨吹響  
宿鳥頻驚鞞鞞聲  
爲問洞庭湖畔客  
石樓猶記有神鉦

秋籟

天籟雖傳自漆園霜林搖落似狂奔微颺乍向青蘋起急響遙  
同濁浪翻里巷愁聞孤柝斷簾櫳遙望一燈昏擁衾欲作悲秋  
賦萬疊松濤枕上喧

秋燈

高齋夜架鐵燈檠一到秋來分外明風幔斜吹疑皓月晴簾高  
捲似銀晶淒淒漏永臨細帙粲粲花生映畫楹戶外霜華寒燭  
暈餘光乞取任匡衡

秋漏

簾幔低垂燈影涼迢迢清漏度垣牆雖非一刻千金價也異二  
冬五夜長林月相隨催落葉砌蛩伴叫寒霜閨中少婦愁無  
寐暗數更籌怯洞房

秋衣

讀書全集卷三十九

三

浙江書局刊

羅裳薄薄兩三重暑退涼生此足供豈似騷人褰薜荔還勝隱  
士集芙蓉冰紈映月攜團扇霧縠迎風步短筇漸覺彤雲生朔  
漠空懷鶴鷺憶王恭

秋帆

蔓草初零兩岸平煙汀來往片帆輕遠山曲曲隨風轉帶月迢  
迢趁夜行篷影翻飛宿鷺起橈聲啞啞野鳥驚天涯羈客愁思  
遠千里長勞一日程

秋艇

石城小艇渡沙汀雙槳乘流不暫停但識春如天上坐那知秋  
在月中經木蘭歌發帆徐引青翰香焚簾半扃煙水蒼涼迷遠  
道果然一葉等浮萍

秋啓



幾閒茅舍繞菰蒲。網罟家藏舊酒徒。擬向急流驚白小。收歸明月出。颿孤披蓑時。曬晴山。鴨搖櫓。輕穿雪浪湖。日暮易魚呼。裊子村。膠喜不費青蚨。

秋獵

獵獵車徒出九達。金鞍玉勒建珠旗。鵬盤峻嶺黃榆落。兔逐平原白草衰。舉火帳前觀眾獲。割鮮野外返軍麾。順時肅殺行秋令。猶見東都講武儀。

秋望

秋城迢遞俯寒煙。遙念悠哉別有天。野外小橋爭浴鳥。村中高樹亂鳴蟬。樵人繫艇尋山徑。牧豎驅牛度墓田。自是憑高看不盡。稻花香裏夕陽連。

秋懷

清秋庭際獨徘徊。不覺離情觸緒來。吳苑丹楓應已落。衡陽白雁幾時回。年光都付名山業。心事空澆濁酒杯。千里相思難命駕。蒹葭霜露一登臺。

秋吟

遣興驅愁力不禁。秋窗時草短長吟。情同綺麗吳趨曲。調入蕭騷楚客心。對酒揮毫孤月上。垂簾拂紙一燈沈。年來頗喜詩思健。每向山楓籬菊尋。

秋睡

薄裳夜擁臥籬除。正值昏中星是虛。乍暖乍寒鳴鴉候。不長不短戒霜初。雞聲遠。遠催城柝。月色娟。娟過薛廬。枕上翻翻雙蝶。蝶好隨清夢到華胥。

秋思

授衣天冷蕪爐煙獨怪靈臺似火燃懷緒絲絲芬類織愁城鬱  
鬱敵殊堅季鷹不爲尊鱸戀子美甯因楓樹牽安得山中千日  
酒涼宵盡醉任安眠

秋憶

從來思舊最傷神矧過芸黃桑落辰欲擬登高兼作賦不堪望  
遠更懷人口含石闕真難語腸似車輪展轉頻欲寄尺書鴻雁  
少奚當玉笛奏西鄰

秋興

秋來何事不關情望遠登高觸緒生潘令感時詞獨擅杜陵懷  
古句堪驚尊鱸苦憶家山別枕簟輕辭歲序更誰謂九秋多寂  
寞尙饒幽興急飛觥

秋老

讀書彙集卷第三十九

三

浙江書局刊

春老花殘景不同獨憐憔悴遇秋窮懶看樹色皆全禿笑指山  
容盡是童野外寒流差可涉谿邊小艇渺難通莫愁此後多蕭  
瑟梅嶺先開一兩叢

秋去

西顛來臨萬象幽情深宋玉不勝愁感懷改律初辭葛轉盼司  
衣又進裘只有籬英環砌晚更無庭葉帶霜稠捲簾一任青娥  
去不似鶯花著意留

秋來

日月如何馭屢更方哦秋去又西行長蘆氣變山川肅閭闔風  
來天地清夷則將隨六律轉商音忽向九垓生披衣已覺胸襟  
爽載酒應從郊外迎

十雪



詠雪

彤雲四布寂無鄰對景拈題詩思新欲做歐蘇白戰體敢汗秦  
號淡描身揮毫不覺階前凍得句能生座上春詞苑至今摧謝  
女竟將五字壓才人

快雪

乍見風飄瑞木斜沁人心腑冷然嘉喜從冰柱開三徑笑撚霜  
髭詠入又深樹雲凝無宿鳥空庭日暗有唳鴉欲尋快雪堂前  
去賞盡孤山萬樹花

晴雪

六出紛飛風景妍適逢初霽萬峰懸氣蒸畫閣鴛鴦瓦光射高  
原繡錯阡拂曙遙憐織素女斜陽如對散花仙謝莊朝罷憑欄  
望欲和谿雲賈壘篇

讀書堂全集卷第三九

雪

浙江書局刊

踏雪

雪飛如掌散平岡道上寒梅已漸芳縱有蹇驢堪緩轡不如蠟  
屐可尋香行過蕭寺逢僧話偶到黃墟索酒嘗野老橫枝穿徑  
過無人知是孟襄陽

煮雪

園林一望盡雕成昨夜微聞折竹聲招友捲簾看法帖呼童埽  
石具茶鐺淡煙裊裊茅檐出落葉蕭蕭几案橫風韻天然誰得  
似好邀陸羽共閒評

泛雪

敲冰鼓柁破朝煙一片寒光共水連曲港難尋安道舍中流獨  
泛子猷船青山雪後容如拭紅栢風前色欲燃乘興頓忘谿路  
遠鳧鷖驚起淺莎邊

釣雪

蘆荻蕭蕭江畔逢垂綸蕩漾幾人從遠飄曲岸漁蓑重亂灑平  
隄釣艇濃坐擁宮袍疑李白衣披鶴氅羨王恭煙波何處吹瑤  
笛返棹歸來月影重

映雪

乾坤凍合少囂塵不夜光鋋色更新燦燦縹緗分甲乙離離摘  
篆辨周秦雖無曉色穿窗冷自有寒輝到眼親漢相當年知此  
意何煩燈影借西鄰

臥雪

穿簾拂幙雪花攢閉戶高眠獨耐寒萬里河山均一色千家松  
竹懶同看衾裯側裏時慵起詩句微吟已廢餐誰似洛陽今日  
令婦除門徑訪袁安

讀書臺集卷第三九

雪

浙江書局刊

立雪

磬折垂紳函丈中門深三尺路難通先生偶作華胥夢弟子仍  
依環堵宮素影斜連書幔靜清光遙映絳紗紅游揚自是羣倫  
望不與嵩山立雪同



河陽趙士麟玉峰父著

宸繡編

卷四十

丙子詩五十首

丙子元日立春早朝恭紀四律

四始欣逢是立春  
天時人事一番新  
紫宸元會通朝使  
青甸郊迎爲兆民  
淑氣方融太液動  
晴光初射上林勻  
昇平豈但華封祝  
八表謳歌慶令辰

段管新飄陽律旋  
金門待漏聽傳宣  
天開於子文明象  
歲首先春大有年  
萬國衣冠對仗肅  
九衢燈火徹宵懸  
皇朝治化符

臺臺全集卷第四

三五景運昌期自此連

祥煙瑞氣九霄浮  
不與曩時夏正侔  
旭日纔臨雉尾扇  
春風已到鳳凰樓  
宮中進麻鳴環珮  
殿上呼嵩拜冕旒  
非是如天帝德大  
那能恰值太和流  
爆竹春城隱似雷  
笑隨鸚鵡鷺  
玉階回家施桃版  
懸仙木戶薦辛盤  
獻壽杯暖暖晴雲連  
御柳瞳瞳瑞景映  
庭槐萱闥百歲期  
將近佳節何曾數  
見來

上元曉集 暢春園

上元令節喜揚鞭  
行殿逶迤近玉泉  
輦路斜從碧澗度  
龍樓遠睇彩雲連  
家家華勝簪偏巧  
處處桃符色倍鮮  
野老晨興聞笑語  
太平今又遇豐年

蓬萊宮闕萃鵷鴻  
翹望呼嵩玉殿同一派  
祥光環帶礪千門

瑞日映簾櫳漏聲飄緲 鸞旂外香氣交凝雉扇中萬姓喜親  
仙仗近六龍已駕綵橋東

虞廷喜起古今稀 聖世休風足嗣徽玉珮遙趨齊拜手晴光  
帶曙啟荆扉林花未放含青色池柳將舒待露晞想望夜闌燈  
火盛鈞天樂奏紫雲飛

其集 琪園寮案歡承 恩退食下雲端連宵花散黃金闕  
金夕天開白玉盤坦道無塵隨去馬明霞如綺擁歸鞍衝歌聲  
徹人煙沸紫陌遲回並轡看

元夕春燈

帝城元夕景尤饒仙樂氤氳下九霄玉漏漫傳魚鑰啟金吾馳  
禁馬蹄驕千燈遠映星光動萬燭渾疑日影搖手執霞觴期盡  
醉一年明月始今宵

讀書臺全集卷第四十

二 浙江書局刊

今歲華燈殊異昔春回黍谷已旬餘魚龍曼衍西京俗煙火樓  
臺仙島居游俠醉馳七尺駿綺羅香繞六萌車豐登有兆人民  
喜大有行看太史書

三五良辰結伴行 興酣不覺夜寒輕錦屏燦爛垂珠斗紫陌光  
華賽火城一統河山沾雨露萬方絃管樂昇平從來天意同人  
意喜見春郊日夕晴  
借樂惟聞 聖代然况聞五夜月尤妍龍樓鳳閣星橋繞繡戶  
朱扉火樹連座上傳柑多故舊尊前酌酒慶團圓兒童亦解太  
平意竹馬鳩車串市塵

送許初吉還滇

少年風采壓詞曹春著歸鞭氣倍豪莫謂文章無可據須知聲  
價自然高 函中詩貯長江草囊底琴彈白雪操天地愛才甯易



得一門珠玉羨揮毫

送京口張相國扈駕北征二律

廟算頻煩相國宣，朱旂絳甲耀山川。爲申天討親犁穴，行教

荒徼敢犯邊。令出翠華軍氣肅，威生鹵簿陣雲連。叩關款塞

從風靡，飛捷遙聞日下傳。

百萬熊羆出，帝都君臣一德意。相符久調鼎，耳安方夏復佐

戎兵。莫海隅絕域親瞻龍虎氣，邊庭盡効爪牙趨。從來將相多

才畧，得似留侯儒雅無。

送陳乾齋侍讀扈駕北征二律

鑾輿遠駕敢辭勞，玉勒瑠弓氣自豪。別後望塵懷芍藥，歸時告

廟薦櫻桃。關前草木迎旌旆，塞外歌謳獻酒醪。神武自來

如捲簾，况聞奇計壓詞曹。

讀書臺叢卷第卅

三

浙江書局刊

小醜不恭絕域居，王師南下頓成墟。禁中未識諸名將，途次

競傳有祕書。貝冑犀渠環宿衛，虎頭燕頰從皇輿。回鑾應

草新詞奏樂府，饒歌總不如。

三伏暑甚，太宰素九熊公少宰美門彭公偕坐銓署藤花下

曰：上年賦九夏，今再賦可乎？率韻。

新夏

狂士衡門白袷收，恰臨建巳日悠悠。江南地溼將梅雨，薊北風

高正麥秋木槿先。榮紅甲拆芭蕉漸，長綠陰稠徘徊不覺天中

近飛楫，爭迎競渡遊。

朱夏

測日當年虞典聞，氤氳天氣屬南薰。分司火政傳朱雀，兼主詞

曹號赤雲蕉吐絳英，宜寶髻蓮開碧沼映紅裙。登高時見熊熊

色熊熊旦山疑是升中玉帛焚

見子由集

盛夏

此是乾坤盛長時炎風熾日莫如斯恤民 特命山川祀寧帝  
競聞絲竹吹孤鶯帶霞飛遠岫羣蛙傍草集平池縱然取次金  
行旺也遜南離莫並馳

賞夏

莫唱流光燄燄詞王毅作高軒疏檻夏尤宜圖懸雪嶠肌生粟坐  
對冰山神自怡螢火低飛排闥入蟬聲弄響出林遲浮瓜沈李  
都堪賞不羨佳人雪藕絲

長夏

長晝何妨汗漫遊不勞秉燭結綢繆陽甯有朱絲繫永晷難  
將玉斧修觸熱嬾邀襍穢入惜陰空喜景光留魯陽慎勿揮三

讀書臺全集卷第四十

四

浙江書局刊

舍銅漏甯堪再益籌

炎夏

萬里無雲日一輪玉魚誰贈挂焦唇清風嗟比故人遠炎暑威  
如酷吏伸豈有十鳥猶未落竟同五殺不知辛笑非奏事延英  
返浹背沾衣雨汗頻

銷夏

翼野炎蒸未易塵偶逢三伏冷飈颺蒲萄障日絺衣薄楊柳圍  
風短鬢搔何事遠尋蘇嶺嘯不須重聽廣陵濤呼朋且共搖袂  
扇莫畏陽曦窟室逃

避夏

寰海誰能謝鬱蒸况當且月暑風興漢廷舊賜金莖露魏地新  
頒玉井冰單板屢遷愁白鳥練裙欲草避青蠅藤花清暑堪銷



此不假高山荷笠登

九夏

炎節初交岸葛巾  
兔葵燕麥又重新  
繚絲事罷催耕急  
解糶過期浴象馴  
光閃巖間紫電繞  
風飄天半綵虹陳  
春旬九十恆難挽  
偏是紅輪駐景頻

次日熱甚坐花下二公曰再賦九夏可乎率韻

新夏

庭樹垂陰尙未濃  
湘簾半捲景風從  
疇人司厯書鳴鴉  
太史占星紀見龍  
榆莢紛紛石砌墜  
荷錢疊疊水田封  
芙蓉闕下千官集  
宣賜朱樓出九重

朱夏

火德司權歲有成  
佳晨自昔重朱明  
榴花繞砌丹樓迥  
萱草臨階絳幔縈  
笑折碧筩充酒具  
戲拈紅豆度歌聲  
真遊爛漫卿雲世  
一片祥光布帝城

讀臺文集卷第四

五

浙江書局刊

盛夏

周禮曾將五德推  
春秋何似此昭回  
爽心豈待迎風觀  
縱目殊勝寒露臺  
喬木千章當戶立  
遙峰萬疊入簾來  
試看鴉首新司候  
長盡川林百物材

賞夏

春來萬物自昭蘇  
忽轉溫風氣候殊  
赤日當天雖可凜  
翠陰滿地儘堪娛  
袒衣石畔來新燕  
啜茗窗前聽暮烏  
卻喜慈闈能健飯  
宴遊長侍板輿過

長夏

羲轡無過此六時  
翻疑刻漏異常期  
赤龍光射啼鴉晚  
黃雀風

微落日遲書盡蒲葵六角扇敲殘方罨幾盤棋誰言歲促如駒  
隙遙望金烏不宵移

炎夏

百川皆涸盡蒿萊深谷陰陰起旱雷誰謂世間皆火宅豈知此  
地有冰臺紗厨偃仰炎難卻輪扇輕揚鬱未開毒熱著人如中  
酒繁欽暑賦懶重裁

銷夏

箕踞科頭簾半垂松陰漸見赤輪馳石欄漫飲清涼散菓几惟  
存冰雪詩炎帝暗隨大火轉霜娥將向白雲移蒼蒼栝栢窗前  
護爍石流金總未知

避暑

南訛萬里散長空避暑曾傳簡冊中敕借隋都仁壽殿駕臨秦  
嶺翠微宮臣心總是清如水宦况由來跡似鴻到處迂疎容嘯  
傲高槐虛敞沃清風

九夏

細緜三夏日何舒時憶山村近水居辰會實沈宵漸短星分鵠  
火暑仍初冰桃子結千年後盧橘盤堆七尺餘仲紀自來風雨  
少那堪廳事竟成渠

三日倍熱仍坐花下二公曰又賦可乎率韻

新夏

清和景候自情移城市喧傳浴佛時殘籊舞風吹不盡嫩梧篩  
月坐來宜撚髭漫詠湘東句啼髮長歌謝朓詩此日炎威猶未  
甚已有鹿角解山陂

朱夏



曉起迎風戶不扃遙瞻夏影正亭亭道行南陸初遷赤時異東  
皇早謝青花徑獨凭飛激雨畫檐疎坐閃流星吳宮遊宴燃華  
燭子夜瓢零萬斛螢

盛夏

草木萋萋異夏初蕤賓紀盛復何如綵絲五色纏長命紫拂雙  
紋慰燕居繭獻染人資黼黻砂研仙藥搗蟾蜍如知陽月無愆  
伏滿架清陰翠蔓扶

賞夏

赫曦仍是起扶桑一日真如兩日長儼古欲尋河朔飲賞心更  
有芰荷香深林積翠迷朝旭古寺重陰逗夕涼並坐藤陰意自  
得雙雙蛺蝶度東牆

長夏

讀書堂全集卷第四十

七

浙江書局刊

閉門卻掃卽林泉無奈迢遙似少年夸父未能追白日唐文自  
昔愛長天花飄錦砌開仍合鶴向青田去復回化國自來晝漏  
永況經徂暑薄虞淵

炎夏

皎日橫空欲灼膚倚欄煩鬱氣難蘇山川迴合眞如甑天地歔  
蒸宛似鑪時望片雲興泰岱每懷細雨潤焦枯平生不解因人  
熱此際能無解帶呼

銷夏

溽暑其如煩燥何且須甯耐祝融過冷蛇握手炎威少澄帛懸  
軒寒色多倚樹徐行乘小颿浴蘭初罷換新羅閑抽書帙消長  
夏莫怪文人似病魔

遊夏

欲借山林未許棲  
水雲挾日覺天低  
窗陰特種迎涼草  
座上時陳避暑犀  
薄暮園亭催捉蠍  
下春桑柘亂鳴雞  
燭龍司令無由避  
閑話瓜棚東復西

九夏

五辰循序統承天  
夏令今看獨不然  
土次火行分正位  
母兼子德實居先  
朝陳赤玉司儀進  
廟展黃裳典服懸  
不是維鳥能長物  
斗杓何以又南旋

立秋夜坐有懷

爲客三更月關情  
獨此宵葉辭風裏木  
斗轉漢邊杓逝水  
嗟時序張燈坐寂寥  
鄰人吹短笛不管  
旅魂消

中秋夜集

今夕非凡夕中宵  
樂未央風清知漏永  
月白仰天長樓笛  
飄淒調庭蘭溢暗芳  
留連銀漢曙徙倚  
友人傍

讀書臺全集卷第四

八

浙江書局刊

哭女

未亾人不計退殤  
忍痛卻醫意自良  
一十七齡霜節苦  
百千萬載夢魂香  
完名遂志吾無怨  
割肉剜心母斷腸  
知汝初心今已矣  
人世乃得有綱常

雪獅二首

豈是條邦至疑從  
崑岫生鳳毛翔玉  
骨日彩灑瑤精踞  
地如思奮看人似  
欲鳴情知非信有  
臨視意頻驚

入庭眞足詫何物  
爾崢嶸瑰狀燦雙  
眼奇花縮六英衝  
風寒益壯不月夜  
猶明雖在階除裏  
還看猛氣橫

送戴田有南旋

風流豪士走京華  
聲動公卿禮遇加  
白璧到庭空獻泣  
金臺布



駿失名駟君才如海終當遇吾道常貧不用嗟堂上慈親知偉  
抱春明到膝好看花

讀書堂綠衣全集卷第四十

讀書堂全集第四十

九

浙江書局刊

上七

劉愈校

河陽趙士麟玉峰父著

受業姚士藹輯

男宸黼編

卷四十一

丁丑詩 六首

丁丑元夕後一日邀大司成汪東川少司成張寄亭銀臺  
錢再亭太僕周蓉湖詹允龍雷岸編修許燕公儀部于  
章雲庶常查聲山飲金碧園觀燈花二律

斜光閃閃下林塘良會煙宵引興長一座歡呼惟唱和千秋炳  
耀是文章燈花夕過輝猶昨梅柳春遲凍未將趁節軒車連紫  
陌昇平盛事首青陽

讀書堂全集卷第四十一

一

浙江書局刊

川文七

乾坤醉裏卽行藏節鬧元宵不禁狂世事盡同華炬幻人生慣  
向燄花忙一聲過耳無留響幾樹生葩祇暫光昨夜清輝今夜  
滅登臺莫放紫霞觴

聞捷

紛紛車馬走街衢忽噪佳音到座隅念我遐方初釋禍喜兒稚  
子亦吹竽慈親百歲瞻 天祝 皇帝萬年伏地呼惟有公忠  
堪報 國俯躬踖踖好將雛

中山紀遊

長安紫陌入煙密鳳闕龍樓光耀日惟有中山勝地幽雕鞍  
佩穿城出南新門外草萋萋半是園蔬綠繞谿紅藥豐臺堆似  
錦郊窪條漲水平臍行行不覺青甸遠祖家莊上波流淺田田  
荷葉疊青錢曲曲欄杆殊婉轉何處吹簫起碧空依稀歌發隔



林中惜無畫舫載香醪陣陣飛鳧促玉驄崔巍仙觀倚層霄門  
前綺羅香風飄居民指點此中頂殿上香燈掩絳綃伐鼓張旗  
勝會齊飛鳶控馬走長隄六萌遊女開簾坐七步才人染翰題  
人生父天兼母地東方生物元君位至哉坤德粒蒸民錫祚降  
祥不足異佳人再拜默祈求綵縷輕將泥兒繫歸來錦帳夢熊  
羆冉冉釋迦親送至再過高軒擁畫圖紅榴翠竹路縈紆離離  
芳樹籠煙霧寒裳欲去復重駐側身西望樊園多精藍古刹藏  
山阿羣卉開時多樂事香氣網緝散薜蘿玉盃金帶種滿畦沙  
頭紫燕飛銜泥城西遊罷之城東萬柳堂中鶯亂啼父老傳言  
廉相植桑田滄海誰能識涿州益都兩相公退朝憩此尊疊集  
弱態依然鬪舞腰翠痕猶帶畫眉色低徊今昔不勝情遠寺鐘  
聲震原隰此地從來饒土泉栽花爲業花鮮妍平泉轉盼半荒  
穢千葉紅蓮名尙傳春日遊人頻來往提壺挈榼恣歡賞講院  
而今不復存芳亭歲久無由訪大隱何須買山棲琴尊隨地可  
頻攜明年結伴西山去花外徐聽叱撥嘶

送袁靜公選君省親南還

握手留君不少遲揆之忠孝兩無歧栢堂縱爾承權好藤署相  
推藻鑑宜砥柱狂瀾方倚重急流勇退信稱奇從來難進原吾  
道如我悠悠亦奚爲

妙光閣聽毛會侯彈琴

似有驚禽翻貝閣如聞瀑水下空巒燕山四月皆知暑那得此  
中白雪寒

宿圓覺菴

說到塵緣盡葛藤蕭然興味似山僧禪心入定人無相綺語全

拋我亦能未必宰官曾種福也須慧眼一傳燈紅松翠影空庭  
落明月窗前正可凭

讀書堂綵衣全集卷第四十一

讀書堂全集卷第四十一

三

浙江書局刊

二十一

卷四十一

讀書堂全集卷第四十一



楊 禎錄

河陽趙士麟玉峰父著

受業趙師禹輯

男 宸繡編

卷四十二

壽詩 五十四首

相國高陽李先生六表壽同門製屏以介屬賦十二章

君臣一德

君爲心臣爲體心安體舒治功起穆穆明明際會竒立綱陳紀  
天下理君不見湯孫有高宗旁求良弼相天子一朝物色在傅  
巖萬邦作乂從風靡

陳氏二難

讀書堂卷四十二

一

浙江書局刊

皇塗並奮位槐棘平居相讓復相恤獨有懿行難與侔太上道  
廣能垂式玉人攻堅藉昆吾元季全資庭訓力棠棣碑花萼集  
縱是金昆玉友疇可及

赤壁三賢

新秋躡屩千仞登月白風清玉宇澄泛舟赤壁攜錦鱗江流澎  
湃煙波橫猿啼虎嘯心怵怵緬懷吳魏感慨興洞簫纜歌荒雞  
鳴杯盤狼籍東方明

商山四皓

藏名姓謝車轍芙蓉裳竹皮笠時採芝常餐栢樂琴書忘晨夕  
顧盼雄鬚眉白靚衣冠驚羽翼定儲君佐三傑返衡廬安巖穴  
交赤松師黃石砥柱臣蓬萊客

竇氏五桂

芝草豈無根醴泉豈無源天地母羣物疇不賴其恩竇氏積累  
非一朝遭逢景運立雲霄五子雍容若翁喜顏柳家風尙未遙  
猗與顏柳家風尙未遙

竹溪六逸

竹溪蒼翠洞壑幽竹溪煙光鷗鷺浮昔人已向瑤京去詩名還  
與青山留金門之客神仙侶富貴期頤所自有叶我欲攜琴訪  
滄洲招尋六逸花間語

竹林七賢

安豐判典銓巨源善啟事延之詠五君奚爲去其二叢篁參天  
花低亞解帶銜杯日忘夜酒何負政古有言况逢治世民安化  
乞封酒泉應非假

飲中八仙

仙真原不遠塵市壺公治師滿前是賀李當時蹤迹奇痛飲狂  
歌類如此痛飲狂歌在長安杖頭日費錢十千青蓮待詔沈香  
北餘子噓哈市上眠

香山九老

先王引年重老成臨雍袒割制何榮國家有事咨黃髮垂之琬  
琰爲典型東都白傅耆英首張筵置酒日相尋從來天壽惟平  
格圖中強半是簪纓

尼山十哲

祥鍾曲阜秀毓昌平篤生髦士鬱爲國楨德行疊疊言語恂恂  
政事卓越文學昌明陶鑄百代纘承六經三千在列十哲克庭  
都哉泗水之雋允矣素王之臣

十一麟閣

讀書臺全集卷第四十二

二

浙江書局刊



漢宣崛起繼炎精經文緯武賴股肱十有一人致中興鬚眉凜凜咸如生人臣不患功不成但患矢志鮮堅貞試看博陸子卿輩至今麟閣有餘榮

十二仙樓

我聞神仙好樓居此語應知非虛無金堂玉戶排蒼穹畫檻雕甍搖碧空赤鳳斑麟各異狀芝房石髓含香風始知蓬島三千里絕勝巫山十二峰

相國寶坻杜先生六秩壽同門製屏以介屬賦十二章前題  
君臣一德

羹必資鹽梅酒必資麴蘖人必資股肱聖必資謨弼惟天資良臣作相輔明哲察宋仰同心堂廉稱一德霖雨澤蒼生聲教及離遜勳華雖已遙今將繼其勳

董臺全集卷第四十二

陳氏二難

徵年有伯仲考德並頡頏述語抑何雋置筭終已忘剛毅百職仰清純六卿揚姜被讓柔愛田荆遜芬芳墳篋迭以奏鵲鴿遠相將僧彌與法護不知二難良

赤壁三賢

赤壁臨江皋攝衣將以陟舉網得巨鱸良醞謀諸室月明山自高水落石已出俯仰一時雄豪情洵無匹仙禽鳴雲中濤音盪空壁茲山賴以傳兩賦千秋式

商山四皓

漢廷有四傑隱在商山隈采采樂晨夕長此謝塵埃不因漢帝至豈爲留侯來一言安社稷其功大矣哉圭紱非其願芝川自沿回無乃偃佺輩乘雲戲九垓

寶氏五桂

燕山寶十郎偉哉五男子頭角自崢嶸才名復繼起連珠未足  
奇白眉亦難擬譬若叢桂枝託根廣寒裏結子向雲中芳香溢  
階肥人言世德殊理固有然耳

竹溪六逸

竹溪在何所乃在山之陰其上產奇卉其下有文禽倚倚廣十  
畝中含朱絲音諸賢舒嘯詠往往此盍簪不欲受羈縻超然抱  
遐心自是十洲客驂鸞未易尋

竹林七賢

崇丘有嘉樹秀色起琅玕杯鐙陳其下意氣安以閒渺渺塵寰  
內邁此一席寬雍容命儔侶四季忘暑寒如遊懷葛氏別闢一  
山川爲語金門客惟酒可長年

讀書臺全集卷第四十二

四

浙江書局刊

飲中八仙

幼誦少陵詩八公如披面豈惟如披面情性由茲見其時玉燭  
調載酒日歡宴醉遊蘂珠宮夢入瑤華殿有時持彩毫妙句紛  
相銜蓬萊無頑仙斯人爲之冠

香山九老

古人多尚年不復敘官伐懷哉白香山耆壽森成列妙覺旣圖  
形名園設餽核顏色如桃花問年多近百名勝推東都徜徉任  
所適吾慕狄與盧亦得廁其末

尼山十哲

日月懸中天星辰各分峙泰岱巍然尊羣峰莫能企宣尼闢鴻  
濛瞻依亦爾爾十哲往從之大道賴以濟所貴自得師聖賢去  
人邇其後儒遂分源遠流亦異



十一麟閣

漢帝築麟閣思爲股肱揚桓桓霍將軍忠純著明堂充國建奇策丙魏相業昌餘子抱清節屬國尤輝光勳名在社稷千載播芬芳臣能殫厥職自可銘旂常

十二仙樓

仙人居蓬海五城十二樓翩翩兩青鳥導我至瀛州日長如化國淑氣四序流奇葩繞庭砌鸞鶴翔峰頭並坐鼓瑤瑟罔知春與秋願公膺上壽寧帷時來遊

太宰霸州郝先生六袞壽同譜製屏以介屬賦十二章前題

君臣一德

從來聖主得賢臣夢賚尤奇一德新日月光華垂宇宙股肱啟沃應星辰玉符已兆三階泰銀甕還生萬國春何幸明良今再

靈臺全集卷第四十二

五

浙江書局刊

見南山獻壽醉花茵

陳氏二難

元季相依一室居高風不滅太丘初百城圖書光羔雁四世公卿重里閭樂奏墳篋差可擬碑懸棠棣又焉如德星當日荀庭聚曾見靈臺太史書

赤壁三賢

髯翁詞賦足千秋二客相從赤壁遊把酒臨江明月小吹簫裂石暮雲浮鼉鼉隱見煙波涉虎豹蒙茸洞壑幽夜半忽聞黃鶴唳仙人乘輿下丹丘

商山四皓

白髮朱顏迴絕塵鴻飛千里總無垠不因金帛辭丹壑豈羨勳名謁紫宸一出朝廷安社稷片言今古識君臣功成仍返商山

去采得靈芝五色新

竇氏五桂

叢桂花開巖岫間  
弟兄先後好躋攀  
人文不愧東西陸  
名譽眞同大小山  
家法從來傳冀野  
友于猶自播燕關  
五枝競秀天香繞  
應有丹砂慰鶴顏

竹溪六逸

不作遊仙東海行  
徂徠溪畔且怡情  
千重雲樹翔青鳥  
百尺珊瑚釣赤鯨  
解帶烟波沈暑氣  
開尊園圃聽秋聲  
高名千載留天地  
一卷詩思冰雪清

竹林七賢

洛陽花色多於錦  
獨愛檀欒種滿林  
十畝琅玕來鳳翥  
一池蒼翠起鸞吟  
風前長弄柯亭笛  
醉後頻彈竹嶼琴  
詞苑猶傳酒德

臺臺全集卷第四十二

六

浙江書局刊

頌相期曲徑一披襟

飲中八仙

時遇昇平景物和  
長安市上日婆娑  
金龜換酒風流甚  
銅鶴焚香嘯詠多少長  
每乘賜澣集綺羅  
常爲乞詩過笑看  
屏幃皆朝士  
誰謂神仙在薜蘿

香山九老

置酒名園日共依  
東都雅會是耶非  
衣冠甚偉鬚眉古  
琴酒輕攜花柳圍  
苔砌詠歌聊遣興  
煙波鷗鷺已忘機  
聖朝前席咨黃髮  
未許香山結伴歸

尼山十哲

良璞含光待琢成  
玉麟紀瑞自昌平  
五臣未是虞廷盛  
四友難稱周室楨  
天地鍾靈生碩彥  
山川吐秀集羣英  
列朝封號仍如



舊南面何煩假百城

十一 麟閣

卧柳重生漢盛時  
膺圖御宇賴師師  
姓名已向麒麟勒  
功業還從竹帛垂  
屬國車書歸帶礪  
功臣封賞賜鐘彝  
天開景運需人傑  
幸際風雲起澠池

十二 仙樓

琪樹瑤花四季稠  
傳聞海上有滄洲  
湯湯弱水三千丈  
隱隱仙都十二樓  
樂奏雲璈丹鳳舞  
尊開醪醖紫鸞遊  
正逢畫閣飛觴候  
玉樹芝蘭共獻酬

壽高陽李相國夫子

應鐘傳玉律  
元老際崧辰  
雲縵千年瑞  
風和萬國春  
謨猷登密勿  
調變贊鴻鈞  
丙魏蕭曹侶  
宋姚房杜倫  
今稱救時相  
帝用

讀臺全集卷第四十二

七

浙江書局刊

讀書人喜起邀殊眷  
安危甑乃身  
鼎彝標峻業  
龍馬見精神  
先覺開黔首  
至誠格紫宸  
位尊心愈下  
世泰道常伸  
槐宰環紗護  
火城帶月新  
兩朝推柱石  
八極賴絲綸  
文武才兼濟  
詞翰詣并臻  
羣英歸菜籠  
多士待陶甄  
鏡下芙蓉豔  
天邊沆瀣親  
門前皆鳳鳥  
庭苑盡麒麟  
卻顧鯁生賤  
叨居鶴禁賓  
伯陽根自渥  
頤頊遂爲鄰  
長戴帡幪裏  
庚籌祝大椿

壽栢鄉魏相國

崢嶸一代有元臣  
著迹名山已等身  
九鼎銘功依日月  
雙輪繪采壯麒麟  
鄭王名理談偏盛  
河洛文章脈自真  
接武俄看升畫省  
趨朝應問雉羹人

祝宗叔介菴公

齊雲名勝甲海內  
天門日室靈氣匯  
嶽峙淵清鍾奇人  
威儀玉

尺莫與配喬松千丈偃碧霄奇書萬卷裝璜瑁過眼日華羣易  
迷吾叔道顯身仍晦野心自愛松蘿山詩瓢茗椀信往還芳砌  
俯首芝蘭出長日坐對楸枰問帝吝清福翻滄桑白舫青簾離  
故鄉西子湖邊聊棲止國器翩翩鵲躍起鳳毛燕領俱不凡好  
文好武紆金紫兼種珠樹淨騰輝况復桐枝咸濟美衣繡夜行  
非所宜簪笏盈牀耀珂里一朝變生倉卒聞崔苻烽燹相連攀  
崎嶇坎坷發浩歎骨肉分攜行路艱古寺寒燈守除夕俄聞德  
星聚僧舍此際驚喜超尋常萊綵重重泛杯筮冠退杖策返枌  
榆撫松采菊足歡娛贊府明府循聲著二惠競爽翔天衢 恩  
綸旋下紫泥封大壽七十會適逢楚丘先生年始壯機汜先生  
貌益恭竊與仲氏聯畫省企仰令德欽高風極目新都饒景色  
白嶽瑞靄籠神翁年年齒蒼花初吐韶光著人如酒濃少原縣  
虹霓有一鶴

壽吳鼎翁八十

秦駐山高絳雲厚天星湖闢碧波秀怪應嘉氣長鬱蔥中有哲  
人享世壽世壽固靡涯備美愈堪誇昔時郭子儀近日吳公家  
吳公家聲勝樵李青箱不襍羅囊紫自題雁塔播鴻猷野正祥  
刑廷議禮清風更獨疾權門拂衣早歸松菊園侍養高堂年近  
百從前雙鬢奇椿萱及令重問公何算呂載周文申聘漢雪刺  
不舊文潞頭霜毫倍新謝安面鳳毛水部堦銀臺孫曾濟濟復  
英才德星恆聚五百里爭看四世光三台猗歟畫錦之堂何盛  
哉春光况值桃花開歌松放鶴添金杯維 帝愛才尤愛德鸞



書更疊下蓬萊蓬萊奚所傳雙成進露盤中兼錫以黃麟之  
脯碧玉之杯願公餐之佩之長蒼顏山中宰相 朝廷福仗公  
大被斯世人偕躋壽域

集唐祝吳太翁暨夫人雙壽

先生有道出羲皇深竹名園偶辟疆靜裏不知幾甲子池邊顧  
步兩鴛鴦宴餘紅燭長庚爛花撲玉缸春酒香題柱盛名兼絕  
唱紫微晴雪帶恩光

壽許維先六十

靈椿移向玉欄杆絳節傳書滿座看鳩杖臨雍添紫氣鳳毛指  
日上春官收來貝葉長生偈迥罷金莖仙侶餐自古吉人綏福  
履住顏何藉大還丹

壽柯素培

臺臺全集卷第四十二

九

浙江書局刊

上有斗星精下有鴛湖液蕩漾幾千年巋然啟耆碩公負英雄  
姿早歲卽振翮出種棗陽花拊循良役役軍供日夜馳才兼亦  
甚易以此陟清班骨鯁聲何赫松陵水匯區波臣敢肆逆伏闕  
爲上書蠲租活蒼赤東臺倚喉司其如瞻雲白陳情送烏私書  
錦奉晨夕斑衣人甲週綺筵籍隣擘堂上麻姑仙媿此蓬萊客  
之子客京師步武儼玉尺待潤有龍縑含思常脈脈遍徵黃絹  
奇名德宜措撫火樹燭春光千秋永勿斲

壽陳太翁七十

赭峙標名勝神靈萃大賢松喬聲奕奕花萼譽翩翩曰鳳宜巢  
閣爲龍或在田放觀滄海日常枕紫微泉峻望羣瞻斗高談共  
探淵門因道德顯堂以聚星傳堯叟班華袞元方振木天圓橋  
羅玉筍 御幄徹金蓮迎養攀鳩杖稱觴啟玳筵喜看多士集

競拜太翁前珂里歸行樂  
楓宸命秉銓平衡邀水鑑遐紀祝  
椿年畫錦  
旄封慶蓬弧令旦懸丹書方鳳吐烏府又鶯遷七  
十鴻禧始八千鶴算延楚丘何老有機記益蒸焉簪笏當牀滿  
蘭茗向砌妍乾坤工攝衛富貴邁空筌誠與懷香積言隨啟草  
宣龕山饒景色常護古神仙

壽陳新安敬齋

邑何必勾漏井何必丹砂羨君渥水上日日浮仙槎子游曾學  
道子賤不下堂千秋萬世名兩賢誰能當君眞濟時才夙且富  
文彩頗因撫字勞不惜容顏改萊陽屢塵釜作令亦何苦雖苦  
復不辭人人得樂土所以丈夫生弧矢懸門戶

壽魏文安

絲綸重煥九重天咫尺鸞棲望若仙遍野綵葦驅犢穩隔簾紅  
雨對琴眠生申仍願齊嵩岳作楫終須濟巨川珍重連城光氣  
滿擬將圖畫上凌煙

壽馮雪蘿明府

瞻彼太璞曰于荆陽載采蘭芷浩浩沅湘有美人懷珍吐芳  
輝哉奕奕繼序允臧翁振厥徽魚笏鮐背上溯姚姒及於泗水  
源詎有殊厥流未類紹庭衣言大澤斯匯吁嗟金容慙予昔理  
撫字鮮術粗若于軌嗣大良宰神明其治籤之揚之前者穠批  
風清鈴閣元軫在琴厓若保赤躋民於春仙掖栢臺用錫爾綸  
稱觴介壽有壬有林

壽周大來

遲日風和細柳柔將軍較獵擁黃駒張弛繁弱銷兵氣舒卷洪  
頤控上游宿望登壇還綠髮長城爲翰卽丹邱好持十斗葡萄

讀臺全集卷第四十二

十

浙江書局刊



酒遙向鴻濛進海籌

壽佟母

秉鉞南方惠澤長老臣忠憤竟誰將  
鴛鴦偶斷憐雛小天地孤危泣母孀  
三十六年拮据瘁百千萬載夢魂香  
畫堂不借蟠桃色賁錫丹綸人紀彰

壽徐太史太夫人

三江乘流合澗雪鬱貞松貞松千歲姿  
下蟠蛟與龍蛟龍奮九天松雪氣蕊龍  
望望霖雨浦入垓濺如澗憶昔芸閣裏  
森爽凜於冬象賢稱母範一代仰儒宗  
官聯堂盡玉文孫枝過筇彩雲輝婺宿  
遙從紫氣重七月西池讌銀璫何雍雍  
銜鳳恩屢下翬錦茜桃穠

壽魯母張太孺人

讀書全集卷第四十二

十一

浙江書局刊

昔美劉生傳

劉向列女傳

今知魯母賢齊眉嘗舉案結髮正鳴絃頌

繼椒花美身看象服妍老來如宋媪少日配盧虔君子勤稽古  
夫人敬祀先蘋蘩采南澗鳧雁弋高天不愛斑衣戲惟欣玉樹  
連郎君工射策董相擬齊肩飽啖紅綾餅遭逢紫綺仙郊圻還  
不忝元季縱聯翩世仰芳名舊人誇景福全瑤池歡錫宴青鳥  
喜銜箋壽域開京國徽音照簡編願陪賓從末歲歲祝星躔

壽李母

江左直聲久益傳陳情去國已多年風飄青鳥蒼松遠霜老黃  
花白髮延瑒管庭前獬豸使鬱金堂上麻姑仙錦帷雖有三公  
饌不禁南山壽幾篇

壽蔣節母

履端紫氣煥朝光華蓋雲開婺吐芒人慶大年春似海鸞孤中

葉節如霜瞻依象教心無事調和熊丸夜有香卻喜蘭臺拖彩  
服萬花深處捧霞觴

壽禹母太夫人

竹川風日愛晴暄嬾宿垂芒錦脫翻挽鹿清操襄栢府和熊善  
導啟黃門岱宗金篋新探策仙樹琪花舊結根時見鳳書銜五  
色養堂珍重達君恩

讀書堂綠衣全集卷第四十二

讀書堂全集卷第四十二

三

浙江書局刊

呂氏堂重校保恩

筆寫黃門岱宗金篋新探策仙樹琪花舊結根時見鳳書銜五  
色養堂珍重達君恩

壽禹母太夫人

惡海慈航渡眾生

莫謂成龍未是難



讀書堂綵衣全集

韋鍾藻校

河陽趙士麟玉峰父著

宸繡編

卷四十三

撫浙條約上 七則

關防詐僞

照得本都院家籍滇中滇之去浙萬里滇之人之不至於浙可知也雖本都院之所交非盡滇人非滇之人之或至於浙則未可知也但本都院孤懷落落與本都院交無不知本都院之為人其至浙也必非為浙撫而來也若有指稱為浙撫來者此不知本都院之為人其非本都院之交可知也驅逐之可也束縛

讀書堂卷四十三

浙江書局刊

之可也即果係本都院之交而乃不知本都院之為人束縛而驅逐之亦無不可也為此云云如有外來遊棍假稱知識誑言門下及借名同宗冒認子弟等輩或潛藏旅次馳騁通衢或周遊列郡遍歷州邑敢於勾通地棍衙蠹攬事求情撞騙愚民者該管官立刻鎖拿解院定以光棍治罪保甲容留一併連坐有司以失察參處不貸

嚴官守

竊照吏不廉平則吏道衰師帥不賢則主德不宣恩澤不流官亂民貧莫可底止蓋百姓者 皇上之赤子所望清慎之官仁惠之長如保傅然如乳哺然毓之以利煦之以和教之以孝弟道之以德義則羣生和而萬民殖矣若居上者以刻為威以察為明以政教為腐論以德化為迂闊暴虐百姓與姦為市賊私

狼籍肆意病民令百姓困窮處處流散饑者不得食寒者不得衣鰥寡孤獨者不得存老幼廢疾者不得養致民之於官也畏之如豺虎惡之如仇讐宛抑之聲上徹於天鬼神爲之怨怒陰陽爲之愆錯憲府咫尺而不得盡伸君門萬里而不得告訴如此則百姓有塗炭之苦皇上安得而知之皇上有愛民之心百姓安得而被之谷永曰違天害德爲上取怨於下莫若貪殘之吏豈不信哉由今之風察今之治撫字勞心稱爲政拙善事上官率與薦名是郡縣爲監司之外庖矣苞苴公行稱爲常例擇肥而食怙惡不悛是州縣又爲郡守之外庖矣一紙到官身家立破私徵私派無了無休是小民直爲州縣之魚肉矣若本都院表率不端簠簋不飭何以異於是然藩臬之去郡縣稍遠巡撫去郡縣倍遠最近最親最毒最擾莫如末道郡守之

讀書臺卷第四十三

二

浙江書局刊

各文士

於州縣色厲內荏視隙而攫飛差四下飽饜斯已使州縣不得守其官小民不得安其室而郡守之害爲特甚道府滋擾則屬員盡亂道府安靜則屬邑皆安卽有不肖州縣自然望風收斂敢更有大膽橫行以嚙民者乎至若治漕之重務弊甚於郵傳校士之清風羶浮於鹽法藩司叢利之府浸漁匪艱臬司執法之原樹威更易俱宜振刷各凜官方爲此云云各官宜思名節之當重功名之當全身家之當保性命之當惜上體皇上子惠元元之至意下諒本都院期於澄清吏治之本心澹泊儉約易轍改絃悉念民艱與之休息俾富者得保其身家貧者不至於流離怡養太平官民共樂乃可謂相與有成者矣儻因循故習惟利是視恣意倒行罔恤民依或被百姓首告或親經訪聞本都院鐵面無情山嶽不易立刻拿參斷不少貸彼時便爲名



教之不齒兼成祖宗之罪人國法可畏清議可畏各宜靜思勿貽後悔

廣條陳

爲敬詢民隱特廣條陳以益見聞以備採擇事照得本院欽承簡命撫爾浙邦時切冰兢真同蠹負下車以來念小民之是依思疾痛之務去奈才識兼庸釐剔鮮術將欲諮於官歟則利於民者未必利於官誰有直吐將欲諮於紳歟則痛於心者未必痛於口孰無顧忌遣僕訪則愚賤之人不識大體知其一未必知其二差役查則狐鼠之輩再假以翼行其私未必得其公用是恪居官次早夜思維何利當興何害當除欲除害還當問之受害之人眞痛眞癢所言必切欲興利還當問之受利之人或甘或苦所條必公爲此示行諮訪通省紳士耆老百姓人等共諒本院虛懷若渴實心爲民其各直陳毋或少隱何者有益於地方何者有病於吾民從公起見勿快己私其有言之最當行之宜急者本院立見諸施行不敢遲之少刻其有言之未盡善行之可稍緩者本院密存以酌奪不復示之於外其有本院文告條約內已革已行者不必疊出限於六月二十日俱各赴省城察院依期投遞仍令仁錢兩縣令查閱方收舉行止此一次此後不准擅擾其有匿名假名并列款告訐投密害人者查出除所陳不收外仍按法重懲不貸

正風俗

竊照致治有本務清其原必先正俗而後行法先立教而後明刑浙省乃文獻之邦士子爲四民之首理學忠節昭於史冊碩德名賢代不乏人邇來紀綱凌替小加大少凌長孝悌之行不

敦廉恥之道不講小民父子兄弟之間往往以無知而犯重辟出乎禮則入乎刑其勢然也本院奉命撫綏入境采風生聚教訓之遺古道悉存忠孝禮義之風流徽如昨願與闔屬極力振興尤樂與紳士互持風教蕩滌舊習嘉與維新故特提綱挈要列有數則以彰激勸先聲若違道亂常惟執法不宥特示

一名卿鉅公鄉邦典型休假在籍地方有司所宜優禮其有現任不在籍者并以存恤其家以崇大體若豪奴宦裔恃勢橫行則繩之以法勿許徇縱

一君子小人自有定分市井無賴反指宦居奇遂有以搏擊摧殘爲事者清流善類何以自全地方官所宜留意敢有棍徒凌轢紳衿者重法以懲

一學宮者儲養人材之地也國家欲得賢人君子而用之須預

讀書臺彙卷第四十三

四

浙江書局刊

培於學校近來學缺道微羽毛零落子矜泮藻之榮不能博負販鄉民之一盼有名爲士而窮餓不堪漸類溝中瘠者州縣之官不行體恤甚至當堂詈罵更加敲扑使奴隸賤人效尤侮辱殊非體統此後并宜厚植其有品行端方閉戶潛修文行兼優拔出流俗者更加意作養用培士氣用勵頹風諸生中有假詩刻以呈身聯聲氣而結社以非笑異已爲樂以品題且爲能此浮夸之士司教者宜勸誠而禁絕之

一民間有孝悌力田醕謹節義者公舉得實州縣官申詳本院卽爲旌獎

一各學之舉優劣里社之講鄉約耆民之於鄉飲比戶之立保甲皆以導民爲善禁民爲非而有司盡視爲虛文或有因而取利者合行申飭務實舉行



一吳越民貧而俗侈有借旗債而營生者亦有借旗債而妄費者不節之嗟人所共曉以習尚如此不得不然總是愚惑故爾效尤此後務崇節儉勤於務本諸凡服飾燕會禮儀婚姻共期樸素勿事奢華習於淫巧遊山遊湖浮蕩不率以至日見窮蹙雖悔何追

一諸生中有出入衙門擊斷鄉曲營鑽勢利如蟻赴羶輟詩書而躬包里役之充酬杯飲而便廁公庭之質退持短長於後進頌功德於前順之則魚肉小民拂之則條陳官長清夜全迷士林貽玷此士本貴而自致其賤也犯此者若苗之有莠粟之有稗地方官宜刈之揚之本都院一面飭行學道轉行各府州縣嚴立門簿登記姓名按季呈核仍不時密訪嚴拿以除取類至於抗糧一節 功令尤嚴許州縣官不時據欠

讀書臺全集卷四十三

五

浙江書局刊

申報輕則行道褫究重則照江南 奏銷例解部治罪該學教官以溺職參處

一捐納職銜以及例監間有世家子弟率循由禮者其餘多係市井亦爾同聲附和橫同學霸既無歲考之憂名厠辟雍儼作鄉紳之勢誇張鄉里遇事風生所當一體禁飭有犯立懲

一武弁武生及吉頂生員猖獗最盛至捐納之武生半係販夫市僧買一符以護身竟肆行而結黨把持官府恐嚇鄉愚開棊局賭包攬詞訟謀當里長事多犯上爲害最大宜加重懲

一遊手遊食之輩不事本業淫酣賭博犯上蔑倫動輒糾集多人背黃喊冤喊冤不已卽行打搶此等平日則爲刁民有事卽爲強盜又有身列衣冠而明火執械以往爲人子弟而糾

合外盜以逞此皆不赦合併申嚴

一奴僕告主往往而有或因主弱僕強或因主貧僕富遂懷欺凌之心急正惡逆之罪

一古剎名山燒香念佛男女雜遯甚有遠涉數百里外舉家借宿僧房大傷風化合行嚴禁婦女不許入廟燒香地方有司取僧道官甘結違則罪坐住持

一州縣之內興寺造塔聚眾講經扶請乩仙受持符籙男女度爲僧尼均有礙於教養合行嚴禁犯者重懲

一倡優匪類最爲敗壞人心此輩歇集多投當道搢紳掛其牌面恣橫閭里此後地方官各以嚴禁不許此輩入境亦不許地方容留違者重懲

一賭博一途去盜最近有大開賭場擲骰打吊攫取人財雖清流亦所不免何以示法鄉里合行嚴禁犯者立拿重懲併禁販賣紙牌骰色等貨地方官重責以逐

讀書彙卷第四十三

六

浙江書局刊

禁約

照得政在整綱害先去甚本都院受命撫浙卽留心體訪地方疾苦蒞任之後博詢輿論公聽折衷酌定規條頒行郡邑如確能凜遵則官皆良牧俗盡醴民參罰刑威可以不事或敢於悖道亂常法在不宥所有禁約開列於後

一上司之餽送下吏之苞苴也餽送旣繁苞苴必甚無如陋習相沿牢不可破多寡論縣之大小疏數定官之賢否稍遲則提衙役肆詬詈指瘢索類喜怒橫施妻壽子婚科條雜出州縣遂致有僉派里長開單押令代餽者而里長於州縣亦復有節禮壽禮之餽其取之者義乎是不待教而誅者也至於地方稍有出產上司無不垂涎產綱布則受綱布之累產柴



炭則受柴炭之累產酒茗食物則受酒茗食物之累封價些微名曰平買屬官不敢開封原銀卽行密繳而差役之需索貨物之交收費且數倍因而防營協弁竝起效尤甚至過客鄉親倚藉勒買民何以堪本都院訪聞已悉力期痛革如有敢蹈前轍者照贓參處斷不少爲瞻徇

一府州縣佐貳首領官不許濫准詞訟久奉飭行乃今之佐貳等官無日不收呈詞無時不出籤票官同乳虎役類飢鷹錢入手則和息不論孰是誰非號既銷則免供豈顧此冤彼枉職任閑散乃敢目無功令肆意橫行若此真膽足包天矣合行嚴禁嗣後佐貳首領官如有擅受民間片紙隻字仍前擾民者訪實立刻參逐其有不肖印官利其結納餽遺及呈繳罰贖濫送故容者并參不恕

讀書臺卷第四十三

七

浙江書局刊

一積蠹盤踞衙門撥官害民管錢糧則私派分肥承刑獄則招搖納賄有父子兄弟朋充濟惡者有身在風憲衙門親族遍布下司濟應者有責草竄逐變易姓名復入者居則車騎盈門出則拱揖闐市豐置膏腴臥享華廈而民之傾家殞命者櫛比矣若該管精明猶有燭破姦狀之時一遇木偶慘禍不可勝言方且深信不疑傾心委任不知本官最得用之人卽萬姓共含怨之人一旦敗事官亦坐累可不猛省爾司道府廳州縣衙門有此等巨憝速自摘發中報儻待訪拿除本蠹審贓定罪外該管官卽以縱蠹題參

一刑獄之設以治害吾民者非戕賊乎民之具也邇來有司以酷濟貪一紙入官兩造未鞫擇肉而食任其株連或輕罪而繫重獄或無辜而被羈囚或小訟易結而故淹歲月或片言

可折而動輒申詳迨暮夜之金一入則已成之案立更恚怒橫施刑威不測以民命爲草菅抑何痛而不德也合行嚴飭嗣後各衙門不許濫准虛詞不許妄收監禁除盜賊光棍重犯外其餘拶指挺棍不得輕用刑具俱依部頒定式不得擅用百餘筋大枷龍鬚猴頭等大板至比較錢糧乃置甲良民尤須小板量責儻任意恣用殘民肢體者訪實參處其道府所轄遼遠一應細事不得輒行提審俾民有奔馳守候之苦且奪長吏之權致姦民聞風越訴亦非政體違者併參

一扶良必須翦惡敗稼之稂害羣之馬所當亟爲芟逐如地方之豪紳劣矜刁徒光棍拳師打手本都院素爲切齒隨訪隨拿但從來訪犯之拿初覺允愜輿情遠近稱快未幾卽已脫離狂狴逍遙里門始猶爲晝伏之狐狸後竟成出柙之虎咒

讀書彙卷第四十三

八

浙江書局刊

由此輩交通上下賄賂聲援捷於呼吸卽被害者亦知其必無死理不敢堅證其罪若本都院非訪聞確實決不輕拿旣拿之後立誓翦除不宥輕縱承問衙門各仰體勿徇

一浙俗刁悍健訟動以人命裝頭不知殺人或挺或刃必有兇器必驗傷痕必原謀故毆殺之由始得擬罪抵命其餘投繯服鹵之輩卽威逼情真亦止斷埋重杖今則或衰老畢命或嬰童自斃或沈疴不起或凍餒而殞或失足溺波或墮胎殞命地方姦棍輒視爲奇貨可居教唆屍親代寫詞狀包控包准擇里中之殷懦可啖或平日少有口角睚眦之怨者目爲兇身卽時擒縛拘囚百般凌辱甚或蜂擁其門席捲其室如此奇冤最慘最酷合行嚴禁嗣後地方人命一經呈報該縣印官卽刻單騎滅從親臨相視屍傷眞偽可以立辨人情公



論可以博詢不得漫委佐貳耽延時日以致屍壞礙檢叢弊  
生姦相驗之後若事屬虛無卽按反坐之律嚴究唆訟之人  
盡法處治毋或少貸違者以罷輟論

一營纒肆惡駭人聽聞其作纒於丙者則賣身之無籍或叛主  
之姦奴其作纒於外者則游手之積棍或敗檢之青衿拴搆  
旗下之人干預民事把持衙門佔踞埠頭開棧局賭扮逃作  
纒盤放私債陰謀人之子女逼寫人之房產雖狐假虎威之  
人實繁有徒而句通牽引之人其情尤毒誓除此纒則兵民  
自然兩安嗣後或被人告發或經訪得實俱照光棍例問擬  
立斬本都院操三尺以待其有不畏死者聽其自投法網

一盜案處分最嚴地方官無弭盜之法而止習於諱盜殊不知  
盜之行劫皆非無因突至有等積棍之徒專爲窩主闕鄉城

讀書臺集卷第四十三

九

浙江書局刊

之富戶供汛捕之月規凶命悉寓其家糾集多出其手盜有  
敗露則曲爲斡旋或指使遠颺而盜因藉其覆庇故至死亦  
不招扳此大盜之藪也盜藪不除盜夥不散至於屠沽市上  
陸博場中三五成羣呼盧達旦窘迫無聊尤爲盜之根芽地  
方有司於此數者不能密緝嚴拿預除民害及遇失事則逼  
勒失主報人數以多爲少聞物件改重就輕稍不順意則先  
敲扑其家奴玷辱其閨閫以爲盜出本家孽由自作良民忍  
氣吞聲反欲求諱而不可得民以是共知官之深畏盜案養  
癰流毒更何憚而不爲乎合行嚴飭有司務於未事之先力  
行保甲思患預防失事之後立刻申報嚴比捕役必求獲盜  
而後止則盜將遠遁不遑而地方甯謐矣且盜案可以徐銷  
而諱盜參卽革職各宜醒悟毋悔噬臍

一地方盜賊捕役無有不知平時則內結本官外通窩主講定季規養盜殃民及獲盜之日則囑盜妄扳良善登時拿捉私行拷打燒詐滿意而後止又有起搜盜賊而同居鄰近之家乘風席捲者合行嚴禁以後捕役并奉本州縣正印官牌票不許拿人既拿之後卽須解官不許鎖縛自行拷詐其案內牽連婦女捕役亦不得擅行拘出違者處死

一鹽捕名爲巡鹽其於大勝私鹽承諫交通賣放至農民小船出入見有錢米絲布等物在內便駕言夾帶私鹽搬取一空又恐其告發裝鹽一包擲彼船內硬稱現獲號曰生蛋甚至風雨之際幽僻之鄉遇有客舟行李沈重者無不竟肆劫奪合行嚴禁以後各州縣及鹽道衙門捕役務要懸帶腰牌牌上開寫年貌居地若無腰牌者卽爲白捕許諸人擒拿送官

嘉慶集卷第四十三

十

浙江書局刊

有犯前罪者以強盜論斬其捕獲真正私鹽止據現獲人犯究審問擬不許株連良民移甲換乙致滋沿詐大弊違者官吏捕役俱行參處不恕

一浙省私鑄在在皆有而海甯海鹽爲甚鵝眼飄風破小惡薄兌錢之鋪利其價賤爭先販易今新奉部行定例私鑄爲首及匠人立斬爲從者立絞兌換行使之人枷號一月責四十一板流徙尙陽堡兩鄰不舉枷號一月責四十板徒一年該管官不行查拿與犯人同罪其責成該管官嚴矣查拿之法惟有禁行使者不許授受小錢兌換者不許攙和小錢違者治以新例之罪仍將例頒數語刊印幅紙徧示城市村鎮俾得通知則私鑄之源絕矣儻闖茸姑息漫不經心 功令炳然

同罪之誅甯不畏乎



一關上巡攔遠出數里外見人背負拳握之物如尺布寸絲便稱爲漏稅搶奪嚇詐竹木之稅則入山搜剔將纜經砍斫及起造房屋之料概勒抽分又有光棍控搆關役於茶筍柴炭出產之處設務抽稅名曰白賴皆不法殊甚此等徒飽姦腹何嘗完納正稅一文合行嚴禁違者許地方被害告發問罪一略賣拐帶近日最多有等姦徒以娶妻買妾爲名將良家婦女賤價貨去卽刻重價轉賣遠方或旗下或至流落煙花此律所謂略賣也或乘夫婦反目不和或瞰家貧難以過活地方光棍及媒婆騙去賣至遠方或旗下或煙花從中取利此律所謂和誘也至有一種妖術密持咒語人卽迷惑拐去童年兒女折斃做成殘廢惡疾逼令乞丐按日索錢此等兇慘言之尤堪切齒又聞有開棺盜屍割去頭顱者皆是妖術竊取鍊用地方官宜用心查拿按律究治立寘大法以快人心一錢塘江往來問渡舟人網利多載以人命爲兒戲雖至擁擠沈重猶招招不止以致有覆溺之禍近聞海甯小門渡亦然又有一種小船名曰赭船窺探孤客攜貲攬至上流空闊之處停舟橫索尤爲姦惡合行嚴禁嗣後地方官將南北兩岸船隻編定字號將船戶姓名大書印刻船傍便於曉識大船止許載三十人小船止許載十五人如遇風濤不許開船另設巡攔時加探望如有多載逾數者卽便扭赴該管官治罪其小赭船原非應渡之船立行禁逐不許江頭攬載違者立拿處死

嚴剔漕白南糧積弊

爲嚴剔漕弊源流期於徹底澄清以垂良法以拯疲民事照得

江浙漕運仰給國儲經費既大叢弊滋多歷來釐剔頗嚴而數天之綸綍竟敢向背殊趨刊榜之規條每以去留易轍總緣旗軍驕橫地棍勾連而貪官污吏股削民膏復授之囹而張其幟所以弊已革而旋萌利欲興而卽隳言堪指髮思切痛心本都院初到地方曲加體訪洞悉情形今示中所列諸弊未必處處相同但爾官吏軍民人等披覽之下捫心自省有則速更無則加慎其有未盡弊端不在指摘者仍許諸色人等據實告發或本都院另有訪聞卽刻參題重處斷不姑徇法在必行毋以身試所有禁條開列於後

一官收官兌奉 旨通行各屬之有漕運者自當恪遵無異乃每多陽奉陰違巧爲影射如禁里長則變其名曰該年禁歇家則變其名曰傳催曰里書禁糧長則變其名曰看夫更有

謹臺彙卷第四十三

十三

浙江書局刊

區甲結頭名色種種不一比較則仍責該年出兌則仍憑積歇或用看夫仍與運丁講兌說貼私派多端蔑憲違 旨藐法殊甚示後各州縣務先令總書細開花戶某名下該漕糧若干白糧若干南糧若干大書告示粘貼倉門分畝編厰令收書數名經管徵收各納戶上糧入厰卽日給票歸農至開兌之期止許印糧官與糧總收書自交運丁官吏之外如有 一人擅踰倉場者不論豪矜勢僕立拿處死州縣官容庇以悖 旨參劾提問

一糧總收書責任綦重乃有豪猾巨姦百計鑽謀務求必獲或議酬於紳衿公然保薦或通線於內署漫委充當纜經上卯已費多金其設心營求久已視爲利藪焉官奉公守法示後各州縣務於僉點之時苞苴請託一切不行慎選誠實小心



書吏數名憑公闢拈收糧登記隨將姓名自具保任印結詳報本都院存案如總書收書軌法悞漕各書按法重處外本官卽連坐 題參以縱蠹殃民議罪

一各州縣照額編之數徵收漕糧及至交兌完時每多虧欠其弊由不肖官吏先計通縣應收米若干約得加耗若干將倉收印票給腹心衙役串通包頭於僻處設櫃照米價收銀糧戶圖省耗贈之費且無守候之苦爭趨如市折者過多於是踢斛淋尖浮勒愈甚尙不足以補倉中米數而折銀竟自入橐又有蠹役哄誘愚民代爲包納將米載至私室私給收串及侵欺腹飽竟逃匿無踪縣官仍將欠戶追比勒令重完本都院稔悉姦弊嗣後敢有私折私收者或經告發或經訪聞官參吏處其通同私折私收之民一併治罪

讀書臺卷第四十三

三

浙江書局刊

一各幫運丁業有漕截之費行月之糧儘足輓輸不憂置乏且江南止五米十銀浙江不啻三倍豈容再肆犴獮然亦由州縣因循陋例動指公費總書指一科十婪貨盈囊旗丁藉此搖脣官吏受其箝制乃抑勒糧戶爲貼費之說腹削日增膏髓俱盡示後管糧各衙門官役務俱洗滌肺腸毋仍勒取陋規坐取漁利其州縣官將漕截銀兩如數交付運丁不得叨勸抵折至出兌之費止許遵照前院議定徵收備用此外不得擅加一錢如州縣科派百姓及運丁勒捐官吏者俱以悖旨參劾究處斷不徇縱

一多年積歇根深蒂固高立頂價買賣相沿近且有旗丁子弟兼充或投獻豪紳包攬爲惡百端屢經嚴革名去實存皆緣不肖有司貪圖陋規百計姑容當收米之時設立滿厥結狀



名色費足者厥雖不滿可免摧敲費不足者雖已滿厥結狀不收必加撲責更借上官名色用一派十先將蠅利浸潤本官落其圈套遂代彼徵催勒限血比小民變賣完納怨謗載道究竟利之歸於官者十之二三歸於胥者十之八九一經發覺胥役之性命不足惜而本官身名俱敗羈囚對簿子散妻離回思昔之染指者能供幾處閒錢言之豈不可痛合行禁革取各州縣官先具竝無積歇遵依印結送院存案嗣後如敢仍有盤踞肆害者許里民指名首告立拿處死州縣官以縱蠹糾參監兌以失察連坐

一積歇之外另有倉蠹曰姦棍曰學霸旗丁私貼官吏橫派爲之作線者全由此輩俗有賣水次開天窗之說運船一到便講規例索土儀力任作倡爲頭加派愚懦小民不得不亦步

讀臺全集卷四十三

商

浙江書局刊

46 x 10

亦趨供其魚肉此輩分肥飽食鼓掌羣酣一次擎頭歲歲踞成窩座摧陳出新實繁醜類今本都院立法積歇姦棍則責之州縣官嚴查申報列入訪案 題參照光棍例處斬學霸則責之各學教官先取具本學有無倉蠹報文甘結送院仍著該學分派門斗於倉場逐日稽查十日一報如別有發覺者該教官卽以不職罷黜

一各縣倉斛俱遵照部頒斛製造較准頒發如有改闊斛口不照造收糧者立行參究已有嚴禁在案乃不肖官蠹於驗發之後暗將斛內四圍鑿削寬大作姦漁利小民陰受其害嗣後收糧之時本都院當不時弔斛查察有仍踵前弊者官卽飛參役拿杖斃

一民間米色溼潤篩扇曬諸耗俱已折入漕截項內其納倉



漕米止宜平斛徵收乃淋尖踢斛順風回斛之陋例違禁浮滿惑不畏死示後敢仍有於斛面多浮籽粒斛外擅勒升合者收書斛手立斃杖下

一各縣向有看倉筓斛腳夫等項久踞倉場科派陋規勒索指詐大爲民害屢行禁革令慎選誠實里民取具冊結報充詎積棍牢不可去而官胥又利在假手浮溢多得耗贈改換名姓捏飾搪塞殊爲可恨示後務選誠實里民令充看夫斛手納糧之戶量給每石數文以爲工食敢有積年倉腳夫仍自盤踞者許糧戶赴院呈控卽行嚴拿處死

一修理倉廩腳費撥船等項總在詳議免費定數之內乃蠹役仍分外多派每石有官冊民冊之分各縣名色銀數不一公然按籍徵收及撥運之時復促民船裝送威逼船戶有至投河自盡者合行禁革已後凡有借修倉名色私派濫拿民船差使者許糧戶船戶首告拿究

一百姓納糧到倉積棍收書每借米色爲名露宿不收小民有羈遲守候之苦嗣後印官同該糧官看驗米色果乾圓潔淨者卽押入倉投納收書倉役不得借名停留勒捐致遠鄉之名枵腹受累其酒飯錢串票錢等弊概行禁絕違者重究

一聞嘉湖二郡印糧官俱差內丁在倉監收巡邏糧總收書加意結納肥甘羅列試思此項食用從何而來總由捏合一夥加斛面討串錢指詐小民供其饜齎不但壞亂漕法抑且大玷關防嗣後概行禁止違者以不謹論

一起兌之時運丁綱司擁擠倉口每籍人多閨鬧以爲需索苛求嗣後遵行掣籤之法州縣官將漕糧分貯倉廩設立各倉

字號籤貯於筒內運官亦將該幫船隻分派每日應兌若干船即將該船運丁領給腰牌輪班進倉掣籤赴各倉受兌酌定每日一船限兌米若干石兌足方許繳籤繳牌其無腰牌者概不許入倉擠鬧如有故違及停兌需索者監兌官卽以悞漕揭報白糧儘米掣兌亦照此法一體遵行毋違取罪

一行月支贖折色該道詳定於蠶畢之後徵收甚爲妥便其米價無論時值貴賤應遵照部定每石一兩二錢訪各屬縣有於收糧之時漕運正數未足卽開厥不收指稱支贖名色勒索折重價又有於正二月血比每石折徵銀一兩六七錢收書將此項銀兩盤放重利至蠶畢後方解者今本都院已預飭督糧道衙門候漕院兌單一出卽將各縣該徵行月糧若干應支贖折色若干頒示該縣懸掛通衢各縣照數分派各圖

讀書彙卷第卅三

共

浙江書局刊

遵依部價於蠶畢後徵收彙解如有匿示不掛借名多截先期勒折重價者官參吏處

一漕截銀兩係給軍路費康熙十五年奉裁充餉編入由單故須傾錠足紋加平投櫃今奉 旨仍給運丁嗣後百姓完漕截銀兩許用塊頭零納不必傾銷成錠照未裁充餉以前舊例徵收有苛勒火耗者究贓定罪

一濫差之害本都院已行嚴禁至漕糧一項向來戶糧房婪得買差規費故將漕白南糧分爲數差又有漕截差雜費差正差貼差牌票入手乘船率眾未說完公先勒差費每石五六分不等此差方去彼差接踵原差之外復有飛差酒飯船錢多至數金稍不遂意毀門鎖項勾婦女辱生儒官倉籽粒未入小民已至破家自後凡完糧之民已經開倉上納不許濫



差儻有山僻遠鄉逾期未至者每畝止許一差無論南白漕糧總開入一單催攝如將已經上糧之戶一概出差及各項各差多分名色者許糧戶指名首告出票經承及承催蠹役立拿處死

一白糧例用細密麻布縫整牢固寬大口袋盛貯以防沿途盤駁此須聽民自備況包索一項原已派入經費之內近聞地方積棍糾合外路賣袋姦牙用墨印私記袋上拴搆運丁非此不受勒取重價又額外多索空袋名曰貼袋每石勒銀三四分不等又船夫食米如漕糧行月一例應受糙米近聞運丁領完概索椿白袋貯尤屬恣橫嗣後概行禁絕違者積棍姦牙運丁提拿立斃不恕

一南糧向例隨漕徵納因兵興之際奉文預撮撥作省兵月糧

寧臺全集卷第四十三

七

浙江書局刊

今四海蕩平各款以漸復舊但此項乃兵丁計口授食之需不能枵腹待至冬底故往例難以驟復其徵比之法及一切弊規合先禁飭查正二月間民間尚有餘米應設法勸諭多徵一二月之糧至蠶農之際少緩其徵今各邑蠹胥於春二月間故行緩比至蠶忙農事之際正三空五盡之時乃聳官嚴比小民無從買米只得揭借變產折銀代米蠹役乘機勒捐每石折銀一兩六七錢不等比時值不啻兩倍民命何堪此後州縣官於正二月內農隙之時勸諭里民先完春夏之米農時乏月不得苛徵亦不許勒令折色違者一經告發立拿重處

一南糧原有詳定耗贈是各項浮費俱已在內邇乃額外培勉斛斛淋尖每石浮滿四五升不等又勒袋錢四五分差錢八

九分斛手錢書手串票錢腳夫錢各二三分不等正米一石  
雜費倍之此後有於定數之外再敢淋尖浮蓋及設立各項  
名色科派勒索者許被害人指名控院拿究

### 嚴剔地丁積弊

爲嚴飭催科之法釐積弊以甦民困事照得民生利病莫大於  
賦役有司賢否卽辨於催科乃朝廷之功令上司之告誡非  
不深切著明而法立滋姦文多益玩橫徵私斂火熱水深本都  
院素有訪聞亟宜搜剔今將正雜錢糧催徵起解一切害民之  
政害民之人揭數大端嚴行禁革以爲嚆矢各屬有司務須細  
心體會實力奉行儻有故違必無徇縱慎之慎之

一滾單之法落甲催徵極爲民便前院飭行已久乃州縣官畏  
勞就逸陽奉陰違仍比里長以十甲之拖欠荒逃端累一人

### 讀書臺全書卷第四十三

六

浙江書局刊

卷四十三

受責而且值月供應送禮解糧採買修造諸費無不於里長  
一苛取經承坐罾催押保歇諸役無不於里長需索每田一畝  
有費至一二兩不止者民何以堪殊不知以一人承十甲之  
煩事則雜辦雖易取盈正項遂致遲悞以十甲完十甲之糧則  
頑戶無可推卸眾姓兢效輸將而所省差歇之費可抵正供  
大半各官卽不爲百姓身家計獨不爲自己考成計乎自今  
州縣務力遵滾單良法以數多者爲單頭鱗次挨比欠者應  
卹完者歸農並不許別立該年柱首等項名色偏枯累民儻  
有徇於積蠹之搖惑衿棍之把持仍不竭力奉行者訪實卽  
刻飛章參處其有另立滾書名色濛混完欠操縱作弊者并  
參不恕

一徵收錢糧應照部頒法馬令民自封投櫃乃不肖有司私置



重等加取火耗每指稱解司收兌之重及各衙門使費之繁以爲口實上下相蒙狼狽作姦已成積習自後州縣徵收俱照部法准收准解若果司收重兌各衙門勒索許其據實密封詳報本都院卽以此規紀風力列入薦剡儻怙終不悛仍有於額外另加分毫甘心代人科斂者官立題參吏拿重處

一自封投櫃立法最善不意櫃書置身事外更易作姦遂有以少換多以色易紋之弊迨拆封之時以短少青微拘民補兌硃籤風發虎役雷奔百姓驚心喪魄典賣供差及至銷籤銷號入之官者不過分錢而費於民者已不啻數兩究竟銀之果少果低無從質認可爲痛心髮指嗣後僉點櫃書登記流水須選老誠殷實之人仍不時覺察以防盜換卽有短少青微必須開單曉諭俟下卯比期發銀親驗照數補足如所缺不多聽以制錢投補儻有妄差輕捉多勒索虐民者許被害告發櫃書差役立拿重處縣官以贓論指參

讀書臺集卷四十三

九

浙江書局刊

一條銀解司原於臨時傾成元寶大錠至百姓投櫃之時止取足色真紋不論錠件俱可完納今訪各屬蠹書控構姦匠務要傾錠烙印櫃書非此不收而各匠又併聚一處止設一鑪壘斷把持以紋爲色指高爲低任其銷折每兩或數分或錢許不等且額外勒索火錢印錢當輪比之日乘急要求小民受盡荼毒吞聲飲泣莫可誰何嗣後徵收錢糧惟將青微細碎之銀任投匠鋪下火傾銷其餘足色紋銀成錠成塊者一概收納敢有櫃書銀匠仍前串通勒索者立拿重處并究容

隱之官

一錢糧官收官解定例已久今訪得浙屬解司錢糧俱發里長  
傾銷或攙和低潮或短少天平每元實一錠里長約賠費六  
七兩不等傾銷之後又押起解鄉民憚於跋涉拖累每銀一  
千廿貼解費十餘兩不等其中又有猾里豪矜求情乞免傾  
解謂之討主將所免之費復加派別里名下賣甲差乙貼害  
無窮天理王章幾於滅絕以後如有此等害民不遵官解者  
立刻指參斷不少徇

一州縣豪棍劣矜積充歇家或一人而包定一里或一人而總  
包數里結連官吏遇事倡首借一科十朋蠹分肥最為民害  
此後州縣力行滾單各將保歇里書看夫等名概行禁革再  
有愍不畏死仍前包攬者不時查報以憑立拿斃於杖下不  
報者以循庇糾參又有省城歇家包纜各屬錢糧串同司役

臺臺彙卷第四十三

三

浙江書局刊

開銷使費耽延捐勒使費不足甚至侵蝕正項一切缺兌臥  
批之害皆由此出除另行藩司嚴查解究外本都院仍當一  
面訪拿以靖弊端

- 一地丁錢糧種種弊竇皆由於積年戶書盤踞衙門各佔箇分  
一名曰管總科派伸縮皆出其手而里書之作弊尤甚每於造  
冊時先將富民錢糧收入已隨於各戶田地地下飛灑分釐  
積少成多遂其谿壑更或擇愚懦之戶矣裁多糧累其比責  
或捏立詭名輾轉影射終年拖欠累官害民罪不勝誅嗣後  
各屬戶總里書俱著地方保舉殷實農民熟於書算者僉充  
不許積蠹本身及子弟依前盤踞違者以不職特糾
- 一由單名曰易知須將條銀漕米每畝應納若干細數開正明  
自逐戶頒行今書役作弊隱匿部頒改造小單有總無撒愚



惑鄉民又科派刻單之費每里數兩不等嗣後各州縣將奉部核定由單於開徵時逐戶給發令民照數完納敢再有隱匿改造及多派刻費者許里民告發官參吏究

錢糧於條銀之外有課鈔匠班門攤煙酒契當牛馬等項雜稅各屬俱不遵照全書定額濫徵勒耗一倍數倍且任經承私收花用及當起解之時盡歸烏有有司恐累考成至勒各戶重納百姓吞聲莫可控訴嗣後一應雜稅俱照正項設櫃徵收完者給與印票不得假手胥役仍前額外多徵加耗違者參究

一撫字催科原可竝行不悖比糧之戶皆鄉里良民專藉筋力春耕秋耨今有司擅用獠頭大板動則數十痛責傷殘耕耨無人錢糧何自而辦又有一月之內比至五卯六卯者俛遠

讀臺全集卷第四十三

三

浙江書局刊

鄉之人奔命不遑豈暇逐戶催徵且設措些微亦止足供僱倩杖錢之費如此催科但爲衙役作生涯於國課何濟嗣後各縣比期一月止許三卯刑杖照部式小板量加懲責本都院體訪頗密循良嚴酷舉劾攸分勿謂蚩蚩任供敲扑

一官員供給亦既設有俸薪迎送餽遺尤屬功令嚴禁乃各縣派有值月里長承值內衙每里徵銀二三十兩不等又有供應過往官兵河下買辦大禮小禮等名色每里徵銀二三十兩不等更有不肖縣官將供應買辦諸費令里長包貼入己名曰官包及有差使仍累小民喪心無恥尤可駭異此等陋規再敢踵行參拿照贓論罪

一紳衿戶役應量加優卹但包田濫免致累畝內窮民則非賢士大夫所爲已後鄉紳照宦戶加徵原額優免其矜戶果有

本身實田量免差徭數千畝如有分外包攬及討主免差徭  
累無告鄉民者該縣申究不貸

讀書堂全集卷第四十三

三

浙江書局刊

七十三

讀書堂綠衣全集卷四十三

10505



